

Hist. 14682



No. 03.

2 1/2

Pieniążek 1037
590/1

6/

3

ORATIO
SECULARIS,
PRUSSIA
SECULUM,

SUBLATA CRUCIFEROR. TYRANNIDE,
LIBERTATIS
SUB AUGUSTISS. POLON. REGIBUS
TERTIUM

ordiente,

Hist. 14682(c)

DANTISCI

In Auditorio Athenæi Maximo,

A.C. clb lbc LIV. D. VI. MART.

habita

à

JOH. PETR. TITIO,

Human. & Eloqv. Professore.

•••••

TYPIS VIDUÆ GEORGII RHETII.

ORATIO

232 MARE 1812

BOURGEOIS 1812

232 MARE 1812

BOURGEOIS 1812

232 MARE 1812

BOURGEOIS 1812

232 MARE 1812

BOURGEOIS 1812

232 MARE 1812

BOURGEOIS 1812

232 MARE 1812

BOURGEOIS 1812

232 MARE 1812

BOURGEOIS 1812

S. MAJEST. R.
BURGGRAFIO ILLUSTR,
INCLYTI SENATUS
PRÆSIDI GRAVISSIMO,
PRÆCONSULIBUSQ;
ET
CONSULIBUS CETERIS
LAUDATISS. REIPUB.
GEDANENSIS,
VIRIS
MAGNIFICIS,
NOBILISSIMIS, AMPLISSIMIS,
DOMINIS, PATRONIS ET EVERGETIS,
ÆTERNA ANIMI DEVOTISSIMI
OBSERVANTIA COLENDIS,
D. C. Q.

VIRI MAGNIFICI, NOBILISSIMI,
AMPLISSIMI,
DOMINI, PATRONI ET
EVERGETÆ,

æternâ animi devotissimi observantiâ colendi,



IN SECULARIS HUIUS
ORATIONIS fronte si aliud,
quàm inclytum Vestrum & emi-
nentissimum Nomen inscribere
voluissem, rationem ejus rei
haut paulò curatiùs reddendam à me fuisse, facile
intelligo: quamvis, quò colore factum illud or-
nari vel in speciem potuisset, nullus equidem vi-
dere queo. Vobis autem, MAGNI PATRES,
cùm eâ, quâ fas est, pietatis & cultûs significatio-
ne, *dicare* illam, ex veteri formulâ, & *consecrare* insti-
tuo, ludere operam videar, si causas, quibus addu-
ctus id faciam, operosiùs velim exponere. Læti-
tiæ quidem, & velut Triumphî hujus Secularis ratio-
nem ita fuisse comparatam, ut non unius Nostræ
URBIS limitibus circumscribi posset, sed ad PRUS-
SIAM pertineret universam, tam iniqui aut invidi
non sumus, quin libentissimè profiteamur. Et voce
tum plausuq; publico, non Nobis tantùm, sed Civi-
bus TERRARUM PRUSSIÆ Omnibus & Sin-
gulis, singularem hanc felicitatem, summo DEI
Opt. Max. beneficio indultam clementissimè, pro
eo, uti par erat, gratulati sumus. Verùm cùm in
Urbe

DEDICATIO.

Urbe Vestrà, & Athenæo, Vestrisq; auspiciis, Die
tàm festo, sub exortum SECULI à Libertate recu-
peratà TERTII, exoptatissimi celebraturus me-
moriam temporis, prodierim ad dicendum: Ora-
tionem hanc, pietatis Vestræ, & gaudii publici indi-
cem, Vobis unicè deberi, omnes, uti confido, juxta
mecum agnoscent. Accesserunt deinde summa exi-
miæ à Vobis beneyolentiæ pignora. quæ utinam,
sicuti gratisimo pectore æstimo, semperq; æsti-
maturus sum: ita meritis extollere elogiis vel mea
in dicèdo posset infantia, vel eadem illa Vestra Vir-
tus pateretur, quæ & inter alias infinitas maximam
Vobis Liberalitatis ac Munificentiae laudem ubiq;
conciliat; & præconia publica, quantumvis meri-
tissima, incredibili animi magnitudine seriò abnuit
& recusat. Illud autem bonà Vestrà, DOMINI
MEI HONORATISSIMI, gratià pronuntiare
mihi, spero, fas erit, etsi præclara illa tam propensi
in tenuitatem meam affectûs testimonia eo, sicuti
me decet, loco habeo, ut gratias, quas debeo, nullas
me agere unquam posse intelligam: tamē hoc in pri-
mis jucundum mihi esse, quòd obsequium meum &
operam qualemcunq; NOBILISS. V.V. MA-
GNIF.^{tiis} non omninò displicuisse, haud obscuris
indiciis perspicere mihi licuit. Atq; eadem potis-
simum ratio porrò me impulit, ut misis, qui sollici-
tum me aliquandiu habuerant, scrupulis, de re totà
confidentiùs statuere auderem. Cogitare enim

DEDICATIO.

necum cœperam, annon consultius futurum esset, ea, quæ tum exiguo sanè admodum temporis spatio affecta veriùs, quàm confecta attuleram in medium, ita incudi reddere, ut non tantùm aliquantò, si possent, nitidiora; verùm etiam paulò magis diffusa, in publicam lucem venirent. Movebant non ignota magnorum Virorum exempla, qui Sermones Panegyricos, vel Orationes alias graviores, quibus tornandis ornandisq; non satis concessum fuisse temporis existimabant, multò deinde alià, quàm vel scripserant initio, vel recitaverant, curâ & pompâ emiserunt. Quanquam autem, si eodem ipse quoq; Cogitationum posteriorum beneficio uterer, nihil me peccaturum videbam: rectiùs tamen me tandem atq; excusatiùs facturum arbitrabar, si illo potissimum, quo habitata est, modo, **SECULAREM** hanc nostram emitterem. Apud Vos sanè, **MÆCENATES AC PATRONI MAGNIFICI**, vel illo primum nomine veniam ingenuæ meæ fiduciæ paratiorem fore credebam, si foetum, non velut ὑποβολιμαῖον seu supposititium aliquem; sed illum ipsum, quem tùm, ubi hanc lucem adspicere cœpit, faventes cognovistis, manibus nunc propitiis suscipiendum offerrem. Quòd si alia omnia, quàm quæ in Panegyri nostrâ excepta sunt auribus, chartis nunc commissa invulgare, oculisq; subijcere vellem

DEDICATIO.

lem legentium, intelligere mihi videor, quibus me implicarem angustiis, qui illam etiam spem, quæ jam non mediocriter erigit animum, ipse meâ mihi imprudentiâ præcisurus essem. Ferè enim ad severiorem lancem examinari illa solent, à quibus perpoliendis manum antè Autor non removit, quàm nullas ampliùs curæ atq; industriæ suæ partes relictas esse existimaret. Quæ nisi modis deinde omnibus exspectationi ac palato satisfaciant, desiderare ingenium scribentis & facultatem incipimus. Ego verò si ullâ me ratione id consequi posse sperassem, ut Argumento tam nobili splendor etiam Verborum atque Orationis dignitas responderet, nimis profectò transilirem modestiæ limites, & de me multò indulgentiùs, quàm & debeo, & soleo, judicarem. qui ambitiosum illud Oratoris nomen, quod doctissimi etiam, eloquentissimiq; viri arrogare sibi velle, religioni ducunt, absit ut affectare unquam ausim. Cùm autem illa, quæ ex necessitudine Muneris, studio tantùm non extemporali collecta, in medium attuli, non ostentationis, sed memoriæ causâ, literis committo, futurum spero, ut favorem, vel veniam promtorem festinatio ipsa conatui meo conciliet. Neque verò illud planè interim negavero, accessisse per otium alicubi limam, & mutata nonnulla, ubi visum; demtum etiam esse interdum verbulum,

DEDICATIO.

vel adjectum. Et fuisse, quæ vel addi, vel multo copiosius exponi poterant, longè etiam plura, non invitus largior. Nam vel sexcenta, quibus immorari licebat, penè transisse, aut perquam breviter perstrinxisse me scio; & verbis sæpenumero paucissimis res plurimas, maximiq; momenti complexum esse, quæ in complures facile paginas, si id mihi negotii datum putassem, diduci potuissent. Sed cogitandum mihi esse arbitrabar, non Historiam me scribere, nec Borussæ Gentis, nec inclytæ hujus Urbis: sed memoriam celebrare excisæ tam invisæ TYRANNIDIS; & restitutæ, cujus vel nomen est dulcissimum, LIBERTATIS. Quamobrem cum non Librum, sed Orationem componere me intelligerem, premere vestigia malui præclarissimorum Virorum, qui de rebus maximis verba facere aggressi, brevitate quoq; gratiam quærere, quàm sermone prolixiori fastidio suis vel Auditoribus, vel Lectoribus esse voluerunt. Etsi fortassis non tam ne brevius dixerim, quàm par erat, quàm ne justo etiam longior fuisse videar, verendum erit: inprimis, cum non simplicis erroris se alliget, qui sermone & longo, & parùm culto onerat prudentes atque eruditas aures. Verùm animabat dicentem perspecta dudum amplissimi gravisimiq; Auditorii benevolentia: cui dum promptissimam addictæ

men-

DEDICATIO.

mentis voluntatem, debitumque obsequendi studium pro virili approbarem, fatis habebam. Tùm de argumento tam uberi ac fecundo, *Oratione solenni*, eâq; *Seculari*, quî differere possem strictiùs, non reperiēbam. Quòd si *Romani* olim, post *Tarquinius* ex Urbe pulsos, Annis singulis, *VI. Calend. Mart. diem*, REGIFUGII nomine, alii aliis gratulantes, festum ac lætum habuere: *Nobis*, postquam immani *Cruciferorum* jugo liberati sumus, non Anno, sed *Seculis Duobus* elapsis, *VI. Mart. die*, ad TYRANNIFUGII memoriam celebrandam, horulâ unâ alterâve vacare, quis adeò molestum esse potuisse censeat? Cæterùm de Re ipsâ non possum non iterum iterumq; ingenuè id fateri, difficilem admodum passim mihi visam, illud subinde æstimanti, quàm sit pronum in his talibus, vel impingere, vel labi. Inprimis autem illud incumbere mihi sentiebam, ut, quoad ejus fieri posset, etiam atque etiam caverem, ne qua ex his, quæ in *Seculari* hoc nostro gaudio, solenni q; *PRUSSIÆ* nostræ, ut ita appellem, JUBILÆO, à me repetenda erant, nasceretur invidis & malevolis occasio jure nobis obtrectandi. Quare in his maxime, quæ ad momenta publica pertinere videbantur, eam adhibere cautionem ac provisionem volui, ut non tantùm rem omnem ex incorruptâ *Annalium* fide peterem; sed verba plerumq; ipsa ex

DEDICATIO.

PRIVILEGIIS, Ordinibus Terrarum Prusfiæ concessis, aliisque publicis MONUMENTIS, quibus Libertati nostræ atque Incolumitati consultum prospectumque est, mutuarer. Multa item, quamvis occasione usus excurrere subinde, inque rebus, quas Majores summâ fortitudine & constantiâ gesfere, paulò diligentius ornandis ac prædicandis plus operæ ponere potuisssem, consultò vel omni, vel parcius attigi. inprimis cum Vestram, PATRES NOBILISSIMI, virtutem, animique magnitudinem non ignorarem, qui vocem hanc atque ἀρεῶν minimè desideratis. Interea futurum confido, ut in his etiam paucis admodum pagellis, illustria Majorum decora & ornamenta, non PRUSIA tantum, sed GEDANUM etiam nostra agnoscat, & agnoscens, ut solet esse præteritorum certaminum ac laborum jucundissima recordatio, voluptate quadam & gaudio non mediocri se perfundat. Superfunt enim hodiernâ etiam die *ex Familiis* laudatissimis, quarum hic à nobis etsi Nomina non exprimuntur, Virtutes tamen incomparabiles, & pro Libertate ac Salute Suâ, Sociorumque & Civium, pericula atque agones strenui commemorantur: superfunt, inquam, ex illis, divino beneficio (& supersint in plura, si plura erunt, secula!) non degeneres *Posteris*, & *Germina* multa præclara. Superfunt adhuc & florent ex stirpe & sanguine pro-

gnati

DEDICATIO.

gnati Illorum, qui fortissimis de exstirpandâ tyrannide, & patriâ asserendâ consiliis interfuere: qui prudentiâ, fide, facundiâ, industriâ suâ divinisimum Opus, nullâ tantæ rei difficultate, nullo discrimine territi, promovere: qui his, quæ magno & consilio, & animo deliberata ac statuta erant, manu subscribere, ceras ac signa sua impressere: qui dexteritatem summam & solertiam in Legationibus gravissimis probavere: qui salute publicâ nihil sibi esse antiquius, tam multis, tamq; illustribus argumentis ostendere: qui non opes modò suas ac fortunas omnes, verùm etiam sanguinem ac vitam amittere; quàm Lupos rapacissimos, auspiciis tam secundis semel exturbatos, ad lustra pristina admittere maluere: qui fortissimorum Civium copias in hostem ferocissimum ducentes, cum illo non sub mœnibus semper, aut in agris suis, sed sæpenumero vel ad enervandas hostium vires, vel ad opem sociis ferendam, longiùs etiam progressi, terrestribus navalibusque proëliis conflixerunt, & vel occumbentes morte pulcherrimâ, vel gloriose vincentes, patriam conservarunt. Quorum florentissima Posteritas immortales Majorum Suorum laudes, quas non minùs, quàm illam Nominis Sanguinisq; hæreditatem, ad sese etiam pertinere intelligit, facile agnoscet, illarumque velut in tabellâ exiguâ percurrens imaginem, honestis-

DEDICATIO.

simâ sese voluptate oblectabit. Neq; fieri poterit, quin Lectores etiam alii, si qui fortè in hæc nostra inciderint, quo solent boni Viri in virtutibus æstimandis candore esse, Urbi quoq; huic laudatissimæ cum de priscis illis Libertatis Vindicibus, qui per gloriam suam & sanguinem adhuc vivunt; tum de His, qui præclaro Autorum Generis sui exemplo, ne Illorum magis laude fulgeant, quam Suâ, nunc quoq; de Patriæ commodis atque incrementis pulcherrimè promereri pergunt, summo pere gratulentur. Mihi quidem, etsi non accipi Dantiscum patriam, sed elegi, incredibili eam cogitationem voluptati fuisse, verè affirmare possum. Præcipuè sanè illud non sine tacito quodam lætitiæ sensu observare mihi videbar, Urbem hanc, licet illa rebus semper omnibus, quæ vel utilitatem, vel laudem afferunt, affluentissima fuerit, inprimis tamen **VIRTUTIBUS** ac **VIRIS** floruisse. Habet illa, quod nec invidia negaverit, benignissimo Numinis indultu, ornamenta & multa, & magna. Sive enim ambitum ejus & magnitudinem, sive frequentiam incolarum spectemus, multis sanè nobilissimis Urbibus non inferior habenda erit; plures verò non incelebres multis etiam post se parasangis relinquet. Jam de agris pinguisimis; de fluminibus, mari, portu; de fortissimo ad Ostium Vistulæ, in Sinum se Codanum

DEDICATIO.

num hic immergentis, propugnaculo, quid dicam? Quid de Ædibus sacris, & domibus Civium, de turribus, armamentariis, vallis? quid de Operibus aliis dicam, quæ vel juvant urbem ac muniunt, vel ornant? Mitto illa: quæ cum laudamus, lapidum ferè laudamus, aut lignorum struem. Ad majora pergo; sed quæ nunc quidem paucissimis tangam. Cruciferis ejectis, sui juris ac libera semper fuit, exoptatissimo duntaxat **SERENISSIMORUM POLONIÆ REGUM** imperio subjectam se atq; obnoxiam professâ. Qui fide ejus, & humillimâ in Sanctissimam Suam **MAJESTATEM** observantiâ & devotione conspectâ, Amore eam semper & Clementiâ singulari protegentes, non illa tantum Privilegia, quibus jam superioribus seculis, Majorum virtute partis, gavisa fuerat, facta ei tecta atq; integra præstiterunt; sed indultis etiam aliis eandem benignissimè auctam, ornatamq; voluerunt. Inter *Urbes Anseaticas* (id quod in ejus laudibus non postremo loco censendum venit) Circuli sui caput & princeps, Urbibus Prussiæ ac Livoniæ, quæ celeberrimo illo Fœdere tenentur, omnibus, ea quæ opus videntur, denuntiandi, illasq; cum res postulat, convocandi munere fungens, in Comitibus loco honestissimo suffragii ferendi jus habet. Quæ omnia **VIRTUTE** suâ illam adeptam

D

esse,

DEDICATIO.

esse, quis tam vecors est, quin intelligat; aut tam malevolus, ut inficiari velit? Illâ enim & Pacis, & Belli temporibus conspicua, ad ea, DEI munere, pervenit fortunæ suæ incrementa. Nam etsi oleâ, quàm palmâ illustrior, Mercurio magis, quàm Marti litare semper visâ est: tamen nec in hujus castris, cùm eò deveniendum fuit, indecorè aut inauspicatò pedem posuit. Non utar testimoniis, quibus possem, magnorum auctorum: quamvis ab illis, quippe externis, potentiam Gedanensium & virtutem bellicam tantopere deprædicantibus, gratiæ aliquid datum esse, nemo suspicari queat. Factis id Nostrorum ostendere, satius existimo, quàm verbis aliorum. Neq; hic commemoro pluribus, quæ vel duodecennali bello, quo Libertas nostra & Salus adversus Erlichhusium, Fratrum Teutonicorum, quos à jugulis nostris repuleramus, Magistrum & Ducem, armis vindicata atq; asserata est; vel altero, quo breviori quidem tempore ad pacem perpetuam compulsus Albertus; vel aliàs etiam, cùm tulit occasio, strenuè fortiterq; gesta sunt. Illud unum dico; quotiescunque manus cum hoste conferendæ fuerunt, vel castellum aut oppidum hostile à nobis obsidendum aut oppugnandum, vel præsidio tenendus ac tuendus aliquis locus: copiis nostris vix alios datos fuisse, quàm
è gra-

DEDICATIO.

è gravissimo PATRUM ordine, Præfectos ac Ductores. Qui eâ semper prudentiâ, eâ virtute & fide omnia administrârunt, ut ejus rei Civitatem nunquam pœniteret. Neq; tùm Viri tantùm fuimus, cùm invisi Cruciferorum nominis odium virtutem nostram accendit. Esset alia, quæ produci possent, si id ageremus. Prætereo latrones & piratas famosissimos, manu nostrâ oppresos. Cum hostibus etiam præpotentibus terrâ mariq; , nec invito Marte congredi aucti, non nostra tantùm tueri, sed aliorum etiam, & magnorum adeò Principum, jura defendere, ac pro illis propugnare, pulchrum duximus. Quæ gloriosius jactari, quàm veriùs, nemo nos arguet, cui res illorum temporum inspectæ sunt. Celebrari inprimis in Historicorum viretis, campisque Rhetorum solet, si vel singuli, vel pauci memorabile inusitatæ virtutis specimen ediderunt. Unde illa de Mucio, Casio Scævâ, C. Acilio Romanis, de Cynægiro Atheniensi, de Spartano Leonidâ, tantis Scriptorum laudibus ac præconiis decantata. At nec nobis defunt, quæ juxta stupenda illa veterum, admirationem mereantur, exempla. Cùm Hussitarum, quos vocant, è Bohemiâ viginti millium exercitus, occupatis, qui Urbi imminet, montibus, in jugulo jam nostro hædere videretur, adeò illorum

DEDICATIO.

nec ferocia, nec multitudo Nostris formidolosa fuit, ut cohiberi vix potuerit penè nimius in hostem eundi Civium ardor. Ex quibus nihilominus *otio* non amplius, nocturno tempore cum armis, quibus opus, egressi, jacto ad radices montis aggere, quo tegerentur, toto deinde die inaudita audacia tam vehementem plumbi missilis grandinem è tubis ignivomis in hostem jaculati sunt, ut non minùs ducentis, nec iis omnibus gregariis, interfectis, stragem insignem ediderint. Qui vincendo tandem fatigati, cum hostiles etiam copias, tam parva castra, quæ tantillâ manu defendebantur, facile capi posse sperantes, strenuè repulissent, vesperscente jam coelo Urbem repetituri, circumventi insidiis, morte memorabili cecidere. En viros, illis sanè, qui & Thermopylis olim, & Sibi tam nobile nomen pepererunt, animo non inferiores! Quamvis autem nec sago contemnendam fuisse hanc Urbem, satis jam liqueat: togatis tamen artibus multò magis eam semper claruisse, tantò libentius fatemur, quantò hæ citra dubium præstantiores sunt, quippe quarum illæ securitati ancillari debent. Non hîc, sicuti de bellicis Majorum laudibus tanquam brevi Indice nonnulla attigi: ita, quàm egregii etiam ac laudabiles in pace iidem & otio fuerint, percurram. Nihil de
pieta-

DEDICATIO.

pietate illorum & innocentia, nihil de amore & cultu optimarum artium ac studiorum adferam. Non commemorabo Viros, quos istæ potissimum virtutes tum ad alias summas dignitates, tum ad Episcopalis etiam infulæ fastigium illis temporibus evexerunt. Omitto Magistratum justitiam, prudentiam & sanctitatem; Civium integritatem, diligentiam, fidem; Ordinum denique Ætatumque omnium bonæ mentis studium & veritatis. Quod si quis ad eos porrò, qui vel illorum, quos laudavimus, stirpe ac sanguine progeniti; vel iisdem in Repub. quibus illi olim, partibus honoribusque nunc funguntur; vel ejusdem, quam suis illi virtutibus decorarunt, Urbis ac Patriæ cives se esse gloriantur, oculos suos convertit: honestissimam omnes æmulatione contendere videbit, ne à pulcherrimis Majorum vestigiis hodiernam etiam die ullam in parte recedere videantur. Quæ fusiùs persequi, in promptu esset, nisi Vestra, PATRES MAGNIFICI, autoritas dudum mihi dicendi finem imperaret. Quare unum illud addam, quod addere me, DOMINI ætatem colendi, benevolentissimè patiemini: cum sit omni laudum genere Vestra hæc Urbs multò cumulatissima, nullam esse illustriorem singulari illa CONTINENTIÆ et SOBRIETATIS.

DEDICATIO.

TIS. Cur prædicare dubitem, quod admirantur omnes? Non privatim tantum plerisque Civium summa quotidie *Frugalitatis* cura est; sed in tam liberali Epularum sive Nuptialium, sive aliarum quarumvis apparatu, ea Omnium solet esse *Moderatio*, ut non *Συμωσία*, sed verè **CONVIVIA** appellari illa possint: ubi appotum videre, nedum *ebriosâ acinâ ebriosiorem*, cum primis ex honestioribus aliquem, tam insolens, ut portentum penè simile videri queat. Rarisimum decus, in Urbe certè, quæ *ejus Gentis* moribus censetur, quam *adversus sitim, cui tolerandâ minimè adsueverint, non eadem, quâ in expellendâ fame, temperantiâ esse*, Romanus Historicus, in elegantissimo de Moribus illius, cætera laudatissimis, Commentario, ante secula bene multa jam notavit. Quis *Virtutes Omnes* domicilium hic & sedem habere neget, ubi sedem ita fixit **SOBRIETAS**, aurea illa **SOBRIETAS**, ac verè divina, quam Pythagoras, quid Pythagoras? quam nemo non Sapientum Genitricem dixit & Alumnam *Omnium Virtutum*?

Desino: et **DEUM OPT. MAX.** ut auctam porrò **DANTISCUM VIRIS VIRTUTIBUSQUE** perennare, eandemque Vestris etiam, **VIRI MAGNIFICI, NOBILISSIMI, AMPLISSIMI, VIR-**
TUTI-

DEDICATIO.

TUTIBUS diutissimè gaudere velit, omni animi mente precor.

Valete, DOMINI AC PATRONI MAGNI, conatumq; hunc exiguum, obsequii & pietatis debitæ tesferam, æqui boni, quod facere propensè cœpistis, consulite, tùm studia etiam nostra, Gymnasio Vestro, utinam cum emolumento semper florentissimæ Juventutis! consecrata, exoptatissimâ favoris ac benevolentiae Vestræ aurâ benignissimè porrò promovete. Quod etiam atq; etiam opto, & eâ, quâ par est, observantiâ oro

MAGNIF. NOBILISS. AMPLISSQ.
VESTR. NOMINUM

Cultor devotissimus

JOH. PETR. TITIUS.

PANEGYRIN
SECU-
LA-
REM

celebrabat

RESPUBLICA
GEDANEN-
SIS,

PRÆCONSULIBUS

HENRICO FREDER-
h. t. S. R. MAJEST. BURG-
GRAFIO,

ADRIANO BONDE-
h. t. SENATUS PRÆSIDE,

FRIDERICO EISEN-
h. t. PROPRÆSIDE,

CONSTANTINO FESBER-
PROTOSCHOLARCHA,

CON-

CONSULIBUS

GABRIELE GESSMANN/
SCHOLARCHA,

NATHANAELE GESSMIEDEN/
S. R. MAJEST. Supremo Venat. per Inf. Nering.
PRÆFECTO, & SCHOLARCHA,

CONSTANTINO BRAND/
ÆRARIi PROVISORIBUS,

CLEMENTE GÖLLEMER/
NICOLA O VON BODECK/
JACOBO GZÜBEN/
ADRIANO ENGELKE/
SCHOLARCHA,

JOHANN E WASH/
GEORGIO VON BDEMEL/
ALBERTO ADGENBERG/
ARNOLDO KENIGER/
h. t. JUDICE,

DANIELE GESSERKE/
JOHANN E SCHWITZEN/
JOACHIMO GEXADEK/
F JOHAN-

J O H A N N E H E C K E R/
J O H A N N E H E W E L K E/
CHRISTIANO S C H W E T K A N Z/
D A N I E L E G I Ä G E R/
GREGORIO K A M E R M A N N/
VINCENTIO FABRICIO,
J. U. L. SYNDICO,

S C A B I N I S,
C I V I T A T I S
P R I M A R I Æ,


J O H A N N E F E X B E R/
B E N J A M I N E E N G E L K E/
R E I N H O L D O G S S M E R/
D A N I E L E H E J N E/
H E N R I C O G S H M A N N/
C O N S T A N T I N O G J E S E/
D A N I E L E G S H I T E F F/
V A L E N T I N O W O N D E R I N D E/
GABRI.

GABRIELE KXBMHABCEH/
VALENTINO WDN WDDER/
GABRIELE WDXKMANH/
GERHARDO WAKZGSH/

VETERIS;

GEORGIO IJIZENTHALL/
NATHANAELE WEXENT/
MATTHÆO I WZKE/
ARNOLDO WDN WENTEN/
ERNESTO IJNDAB/
NICOLA O WEWEX/
DAVIDE KDH I/
MARTINO I WEGH/
GEORGIO KESHMECE/
JOHANNE IJGEGHEK/
FRIDERICO K WSHN/
JOHANNE HEGKEK.

IN
SOLENNIA
SECVLARIA,
ob recuperatam à Crucigerorum
tyrannide
LIBERTATEM,
Gedani, Anno 1654, die 6 Martii
celebrata.

 Resa sub invisis, sed nunquam evicta,
tyrannis


Prussia, fatalem sensit adesse diem,
Qua sibi, propitiis Superis, & Rege Polono
Vindice, libertas reddita prisca fuit;
Protenus optatæ renovavit gaudia lucis,
Auspicium Secli, post duo Secla, novi.
Præ reliquis, Dantiscum, operis pars inclita tanti,
Attollit plausus, & pia sacra facit.
Illa suas impendit opes, vitamq; suorum,
Marte sub ancipiti dum bona causa stetit.
Nec locus invidiæ est, si Libertatis adeptæ
Illa suam partem convenienter habet.
Siqu; fide invicta Majorum, ac sanguine partas
Et fruitur juste, & rite tuetur opes.
Scilicet his opibus Regum Clementia favit,
Præcipuumq; decus, præsidiumq; fuit.

Sed

Sed quoq; de Gedano Respublica tota fatetur,
Subsidium rebus sæpe fuisse suis.

Dent Tibi perpetuos Superi, CASIMIRE, trium-
Et redeat pulsus hostibus alma quies; (phos,
Florebit Gedanum felix, ut floruit olim,
Splendidaq; auspiciis crescet, ut ante, Tuis.
Sic, quod nunc saltem centenis exhibet annis,
Perpetuum Sacrum destinat illa Tibi.

Vincentius Fabricius.



In eadem Solennia
SECULARIA.



*Anni feruntur perpetim volubili
Rotâ, nec ulla temporum lapsus potest
Quies morari, visq; nulla sistere.*

*Tempus sequuntur publicarum cardines
Rerum, sequuntur Sceptra Regum, & Purpuræ,
Virgæq; Prætorum, Togæq; Consulium.
Nam mutat ista multiformiter dies,
Rerum perennis circulator omnium.
Sic vertit olim Prusici fasces soli,
Quando Magistros, pessimas populi Cruces,
Excussit universa, factò fœdere,
Provincia, & pertæsa servilis jugi,
Se CASIMIRO, sceptra qui Poloniæ
Quondam benignâ præpotens rexit manu,
Submisit ultrò, ut Vindici & Regi suo.*

*Hanc non tacendam Prussiae altricis vicem
 Tu clare TITI, ocelle Pimplei gregis,
 Suada medulla, dulce Phœbi Corculum,
 Perelegante Orationis copiâ,
 Linguâq; tersâ, & delibutâ floribus,
 Quos crederet, vel esse vellet Tullius
 Suos, theatro edifferebas publico,
 Patrum favente & Civium panegyri.
 Nunc universo Literatorum choro,
 Quacunq; vasto degit orbe disfitus,
 Laborem eundem perpolitum subjicis,
 Latêq; Seculare spargis gaudium.
 Quid livor ager, stultave ignorantia
 Sit musitatura, haud, puto, moraberis.
 Quotquot periti, candidiq; viderint,
 Sic judicabunt; Ista Seculis solent
 Non omnibus nasci, perennant omnibus.*

Cognato suavissimo

lub. mer.

scribebat

JOACHIMUS PASTORIUS D.

Medic. & Historicus Regius,
 & Gymn. Ged. Prof. Honorarius.



DE
 IISDEM SECULARIBUS
 PRUSSIAE.



RUSSIA læta soli, pontiq; benigna, Poloni
 Inclita pars Regni PRUSSIA, chara
 Parens.

Adstupeamne magistua scæva, an sæva? secundis
 Major an adversis, PATRIA, fare, cluis?
 Infandis oppressa malis infanda tulisti:
 Altius adscendit Terra nec ulla tuâ.

Cim.

Cimmerias nemo tenebras sibi fingat, amabò:
 Nemo fidem nostris abnuat, oro, metris.
 Hæc quoq; maiores quondam perpessa. reluxit
 Senior his oris aura serena DEI.
 Permanet incertus. sed barbarus incola certè:
 Barbarus his primus sæviit acer agris.
 Incubuitq; diu. Nam sive Britannidis æquor
 Scandiadum infudit terga proterva plagæ.
 Vel quibus est Tanais bibitus, seu Tibridis unda:
 Ut tua Romovæ nomina, Roma, sient.
 Aut Ryp hæarum nivium, sterilisq; colonus
 Nescio quis, glebæ, litus arasse satur.
 Inde q; nostrates migratio facta per oras:
 Seu fuerint alii, barbara turba fuit.
 Et quibus hæc, sodes, gentilia pectora monstris,
 Gentili & quanto tempore pressa jugo!
 Non BIOTERUS erat februandis moribus aptus:
 Non erat Augiæ claviger iste vadis.
 Lampada porrexit. suasit meliora: sed illis
 Nondum erat ad lucem lumina ferre datum.
 Auroræ tamen heic faculas agnosco. præivit
 Fascibus, & prior hanc rexit Alanus humum.
 Sed brevis ille ævi. Suboles antiquat avita:
 Et ruit ad priscum Prussia nostra chaos.
 Barbaries rediviva redit. bacchatur in omneis:
 Et gravis est populis & gravis ipsa sibi.
 ENSIFERI quorsum FRATRES, CUN-
 RADE, vocantur?
 DÖBRINIDUM non est, BRUNO, do-
 mare nefas.
 Teutonicos poscis, veniuntq;. Pacisceris. instant:
 Culmigeram pacti Loboviamq; sibi.
 Heic tu quàm crudo rursus mihi, PRUSSIA, Marte
 Jactaris! quanto sanguine, chara, rubes!

Bella DECEM, & supra, flagrant acerrima LUL-
STRIS:

Quam Marianorum es tota secuta fidem.
Hinc Aurora redux Terris. hinc gratia cœli
Emicat, hinc Prussum mitia fata manent.
Mitia fata quidem: sed non longæva. resultant
Mitia quæ perimunt tempora, plaustro mali.

AUSA igitur diri *VIOLENTA CRUENTA*
NEFANDA

Ordinis ulturus DENIQUE Fœdus init.
Nec Tu Sceptringero, CASIMIRE, sub Alite
tegmen

Ad Tua qui supplex venerat Ora, negas.
Suscipis ut prolem Genitor. gaudemus! ovamus!
Auspiciis cecidit perfidus Ordo Tuis.
State triumphales circum Monumenta PAREN-
Laurus. Æternum est Principis istud opus. (TIS
En! LIBERTATI duo condita secula: jamq;
TERTIA (quod felix!) SECULA salva subit.
Scilicet immensis mactata Bonisq; Malisq;
PRUSSIA: nil modicæ Patria fortis habet.
Quæ Tua Suada, TITI, dum pluribus explicat Ubi,
Urbi, quæ Prusfi gloria prima Soli.
Non est Orchestræ tantum consensus læta:
Quælibet adplaudunt publica, priva, Tibi.
Egregium Vatem, præclarum Rhetora laudant:
Laudibus & resonant omnia, JOVA, Tuis.

JOAN. ERNEST. Schmiedem.

DEO OPT. MAX. INDULGENTE,

PRUSSIA,

POST EXOPTATISSIMAM, FELICISSIMAMQVE,
INTOLERABILI CRUCIFERORUM JUGO FORTITER EXCUSO;
CUM INCLYTO REIPUBL. POLONÆ CORPORE CONJUNCTIONEM,
AD GUBERNACULA REGNI TUM SEDENTE SANCTISS. RECORDATIONIS

CASIMIRO,

FACTAM,

SECULUM

SCEPTRA NUNC AUGUSTISSIMA TENENTE

IOHANNES CASIMIRO,

REGE INVICTISSIMO,

TERTIUM

(QVOD FELICISSIME VORTERE DIVINA JUBEAT BENIGNITAS!)

AUSPICANTE,

NEDIEI,

QVEM NEC VIDIT ANTE EX NOBIS QVISQVAM,
NEC VISURUM SE SPERARE AUDET IN POSTERUM,
VELUT SEPULTA SILENTIO TRANSEAT MEMORIA,

ORATIONEM SECLAREM,

QVA TERRARUM PRUSSIAE

SUB CRUCIFERIS, POST EXIMIA MERITA, FOEDISSIME DEGENERANTIBUS,
CALAMITATEM,

EARUNDEMQVE,

PROFLIGATA TYRANNIDE,

SUB AUGUSTIS POTENTISSIMISQVE POLON. REGIBUS

FELICITATEM

PROPONET,

IN AUDITORIO ATHENÆI GODANIENSIS MAXIMO,

DIE, QVA DUCENTIS ABHINC ANNIS

D. CASIMIRUS

TERRAS PRUSSIAE,

IN SINUM MAJESTATIS SUÆ, ET REGNI, AD QVEM SPONTE ILLÆ REDIBANT, SUSCEPTAS,
PRIVILEGIO LUCULENTISSIMO ORNAVIT,

MARTI SEXTA

(FERIA TUM QVARTA CINERUM FUIT)

HORA IX. MATUT.

HABITURUS,

AD EAM BENEVOLE, LUBENTERQVE AUDIENDAM,
MAGNIFICOS, NOBILISSIMOS, AMPLISSIMOS, SPECTATISSIMOS,

DNNN. PRÆCOSS. COSS. SCABINOS,

REV. PL. CONSULTISS. EXPERIENTISS. EXCELLENTISS. CLL.

VERBI DIVINI, FACULTATUMQVE AC ARTIUM OMNIUM

DD. ET PP.

VIROS DENIQVE ET JUVENES

GENERE, VIRTUTE, ERUDITIONE

FLORENTES QVOSVIS ATQVE CONSPICUOS,

NEC NON ADOLESCENTES HONESTISSIMIS STUDIIS ADDICTOS,

CULTU AC OBSERVANTIA, QVA PAR EST,

OFFICIOSE ITEM AC PERAMANTER

INVITAT, CONVOCATQVE

JOH. PETR. TITIUS, ELOQV. PROF.

P.P. DANTISCI, A. C. cl. loc LIV.

DOMINICA,

IPSO, QVID NOSTRARUM PARTIUM SIT, NOMINE NOS COMMONENTE,

REMINISCERE

592/1

ORATIO
SECUA-
RIS.

VIRI MAGNIFICI, NOBILISSIMI,
AMPLISSIMI, SPECTATISSIMI,
PRUDENTISSIMI, PLURIMUM
REVERENDI, EXCELLENTISSI-
MI, CLARISSIMI, VIRTUTE, ERU-
DITIONE, GENERE EXIMII AC
FLORENTISSIMI, HOSPITES AT-
QUE AUDITORES CULTU AC
OBSERVANTIA, QVA PAR EST,
HONORANDI, OFFICIISQUE AC
STUDIIS OMNIBUS ÆTATEM
PROSEQVENDI,

TVQVE JUVENTUTIS MENTE
AC GENTE EGREGIÆ, NOBILIS-
SIMIS ARTIBUS ET LITERIS AD-
DICTÆ, CORONA LECTISSIMA.

DEO IGITUR
OPTIMO MAXIMO
indulgentē, PRUSSIA, post
exoptatissimam felicissimam-
que, intolerabili Cruciferorum jugo fortiter ex-
cusso, cum inclyto Reipubl. Polonæ Corpore
Conjunctionem, SECULUM hodiē (quod
felicissimē vortere divina jubeat benignitas!)
TERTIUM auspicatur. Et quam, sedens
tum ad Regni gubernacula, CASIMI-
RUS, sanctissimæ recordationis Princeps,
in sinum Majestatis Suæ & Regni, ad quem sponte
illa se conferebat, susceptam, *Sextâ hac Martii die,*
Privilegio luculentissimo ornavit: illa, sceptrum
nunc augustissimum tenente JOHAN-
NE CASIMIRO, Rege In-
victissimo, de tantâ felicitate, publico sibi ho-
diē gratulatur SECULARIS LÆTITIÆ
argumento.

Fuerat Annus, qui præceserat, orbi &
nomini Christiano luctuosissimus, CON-
STANTINOPOLI, illâ Orientalis imperii
splendidissimâ sede, DEO vitiis irato flagitia no-

O R A T I O

stra sic ulcifcente, à Mahomete II, Asiæ Tyranno, Christiani sanguinis sitientissimo, obsessâ, victâ, expugnatâ, modisq; tristissimis direptâ ac fœdatâ. Iste verò, cujus nunc Secularem celebramus memoriam, PRUSSIÆ nostræ felicissimus illuxerat: quo illa, DEO afflictissimæ gentis miserto, crudeli ac barbarâ impotentium Dominorum tyrannide convulsâ, gremio mitissimi Principis foveri, atq; incomparabili JAGELLONICI Sanguinis benignitate & clementiâ recreari cœpit.

Exultabant Cruciferi, cùm causam impiam, amicorum præpotentium, quos vel gratiâ sibi, vel pretio, ac promissis immanibus conciliaverant, studiis & operâ suffultam in Germaniâ atq; adjutam cernerent; nihil jam nobis spei, nihil solatii uspiam affulgere posse existimantes. Exultabant, nostræq; calamitati insultabant. Et quasi piaculare facinus admisissemus, de atrocissimis illorum sceleribus, & crudelitate plusquam belluinâ conqueri ausi, non mulctam tantùm nobis *sexcentorum millium* (æquissemi homines !) decreverant; sed *trecenta* insuper (ô Scelus ! ô immanitas !) *trecenta*, inquam, Virorum generosissimorum,

SECULARIS.

rum, optimorumq; Civium *Capita*, cæterorum
scilicet contumaciam expiatura, gladiis subjicere
Carnificum, & tot suppliciis animos atque oculos
sævisimos pascere constituerant. Sed invene-
runt querelæ justissimæ in inclyto POLONIÆ
regno locum: cujus virtute ac patrocinio erecti
Majores nostri ac confirmati, & opes suas & san-
guinem, ad redimendam Patriæ salutem ac liber-
tatem, Tyrannosq; evertendos, multò lubentiùs,
multoq; feliciori exitu impenderunt. Demoliri
illi mœnia Urbium; compedibus nos, velut man-
cipia vilissima, constringere; quoscunq; furori suo
& sævitæ obstaculo esse posse animadverterent,
trucidare atq; excindere parabant. Sed ecce,
destructis Arcibus illorum vel occupatis, quæ ne-
fariæ tyrannidis propugnacula invicta habeban-
tur, Urbibus nostris integris, libertate inconcussâ,
immenso DEI beneficio, atq; immortalis Serenis-
simorum POLONIÆ REGUM favore, salvi
atq; incolumes, post felicem ducentorum anno-
rum decursum, id quod inimicis nostris nunquam
in opinionem venisset, de fugâ illorum & exilio,
seculari nunc gaudio triumphamus. O felici-

K tatem

ORATIO

tatem incredibilem ! O annum, o diem, jure meritoq; solennitate maximâ celebrandum !

Infinita equidem non annis tantùm, sed diebus singulis atq; momentis ab indulgentissimo Numine beneficia in nos conferri, nemo tam est à pietate & sensu alienus, quin agnoscat. Et jam præsens iste annus, cujus nondum quadrantem absolvimus, invitare nos ad gratiarum actionem poterat: qui tristissimo contagiosæ luis, quâ conflictabamur hætenus miserrimè, periculo ac metu, multis jam acerbiora augurantibus, ita nos liberavit, ut extincto penitus malo, nuper admodum, hebdomadâ integrâ, in urbe tam populosa, vix ultra triginta, in censum Libitinæ venerint; secundoq; omine, plures nati, quàm denati numerarentur. Quo de bono tantò nobis justius gratulari habemus, quòd Amplissimos laudatissimæ hujus Urbis PATRES AC MAGISTRATUS Omnes (quos plerosq; honorificâ suâ præsentia secularem hanc solennitatem condecorantes, læti & grati hic veneramur) superstites sospitesq; intueri possumus: tam eximio in venerabilem illum sanctissimumq; Ordinem amoris ac sollicitudinis divinæ testimonio, ut, quamvis fores nonnullo-

pul-

SE C U L A R I S.

rum pulsarit, quamvis (id quod summo nobis dolori ac mœrori erat) domos etiam funestârit ferallis illa Ate: ipsa tamen sacrosancta illa Capita, nullapestilentis sideris vis afflaverit. Verum enimverò quamvis hujus quoque tam illustris beneficii nunquam commissuri simus ut animis nostris excidat memoria: nemo tamen non intelligit, illum cum primis diem, qui non nobis tantum Singulis, non Civitati tantum nostræ, sed PRUSSIÆ juxta universæ tantorum bonorum initium attulit; quo Patria nostra dulcissima, ex horribili calamitatis, foedisimæq; servitutis abysso, ad eam, quâ gaudemus hætenus, fortunam emerfit, quantâ possumus, festivitate nobis celebrandum esse. Quem diem sicuti nec vidit antè ex nobis quisquam, nec visurum se sperare audet in posterum: ita feliciter nunc illuxisse, toto nobis pectore etiam atq; etiam gratulamur.

Ad me quidem quod attinet, ego sanè, illud mihi tam prosperè obvenisse, ut hoc tempore, in tam illustri consessu, tam frequenti Virorum honoratissimorum doctissimorumque, Civium item ac Juvenum nobilissimorum, & florentissimorum concursu, ex suggesto Athenæi nostri primario,

O R A T I O

verba facere, & diem hunc secularis lætitiæ reducem faustis publicè prosequi omnibus possum, vehementer gaudeo. Quamquam illud etiam non diffiteor, optasse me feriò, ut dies tam festus, tamq; sanctè & religiosè habendus, in alium incidisset Oratorem, qui facundiâ majore præditus, variarumq; rerum peritiâ instructior, & dicere rectiùs, & audiri jucundiùs, in splendidissimâ lectissimâq; Auditorii tam conspicui Coronâ potuisset. Verùm cum repeterem animo, non hic eloquentiæ laudem aucupandam; sed animi memoris, debitæq; pietatis officium præstandum esse: meum non esse credidi, vel silentii otiiq; amore captum, vel rei difficultate deterritum, tam piam provinciam detrectare: inprimis cum de æquitate Vestrâ & humanitate, dudum mihi perspectissimâ, DOMINI, PATRONI AC FAUTORES HONORANDI, illud mihi polliceri auderem, veniam me à Vobis facilè impetraturum, si his, quæ impositæ mihi sunt, partibus pro virili meâ perfuncturus, gaudii secularis interpres qualiscunque prodirem.

De argumento verò cogitanti mihi, illud inprimis agendum nunc videbatur, ut per Historiam
supe-

S E C U L A R I S.

superiorum temporum, pedem circumferens, ea potissimum repeterem brevissimè, atque in medium afferrem, ex quibus in propatulo esse possit omnibus, quàm justis & gravibus de causis *Ante hujus & Diei* memoriam tam sanctam PRUSSIÆ, tamq; venerabilem esse debere, adeoque *Seculari* plausu ac pompâ obeundam existimemus. Quamobrem & instituti hujus, & temporis memor, TERRARUM PRUSSIÆ, SUB CRUCIFERIS, POST EXIMIA MERITA, FOEDISSIME DEGENERANTIBUS, CALAMITATEM; EARUNDEMQVE, PROFLIGATA TYRANNIDE, SUB AUGUSTIS POTENTISSIMISQVE POLONIÆ REGIBUS FELICITATEM, proponere, & oculis vestris, velut in tabellâ expressam, subjicere constitui. Quo in argumento ita occupabor, ut brevitatis, quoad ejus fieri poterit in campo tam vasto, studiosus, non nisi ea adferam, quæ ad rem maximè pertinere videbuntur, & quamvis, si exspatiari interdum vellem liberius, veniam mihi facilè datum iri considerem, domesticis tamen, hoc est, Prusficis ferè contentus, externa nostris admiscere, alienum nunc ducam.

ORATIO

Antequam autem de re ipsâ dicere ordior, ad Vos, DOMINI, PATRONI, FAUTORES, COLLEGÆ, AMICI, AUDITORES ORDINUM OMNIUM ATQUE ÆTATUM HONORATISSIMI, EXOPTATISSIMIQUE, ad Vos, inquam, non more magis, dicentibus ferè usurpato, adductus, quàm causâ ipsâ id exigente impulsus me convertò, atq; ut verba facientem benevolè primùm audiat; deinde si de rebus, ad Historiam Gentis, & ad Civitatem, Remque publicam pertinentibus, homo in his minimè versatus, interdum non satis commodè edisseruero, humanissimè ignoscatis, quâ par est, observantiâ peto à Vobis, atq; contendo. Agite, favete animis, favete auribus, favete linguis: atque hujus me voluptatis participem reddite, ut, ubi benignè me, sicuti summa Vestra humanitas, quam argumentis plurimis cognitam, nunc in vultibus etiam Vestris perspicere mihi videor, confidere me jubet, auditum intellexero, in publicâ lætitiâ lætari & ipse, deq; tam insigni adversum me benevolentia gratulari mihi possim.

Fieri

SE C U L A R I S.

Fieri illud sæpissimè nescio quo sortis ac mentis humanæ vitio solet, ut, quæ saluti initio, maximoque emolumento fuerant, paulò pòst non tantum velut effœta vim omnem ac robur amittant, sed perniciofa etiam esse incipiant, præsentem atque indubitatum, nisi melior DEUS subveniat, interitum, ruinamq; ac stragem tristissimam arcesitura. Experta olim fuit ejusmodi fatum destinata illa imperii sedes, caputq; terrarum ROMA: quam eadem illa potestas, quæ & ortum illi felicissimum, & incrementa pulcherrima dederat, penè subvertisset. Incredibili virtute auspiciatissimum *Romulus* conditor invaserat regnum: magnâ prudentiâ ferocem populum *Numa* metu constrinxerat religionis: disciplinam belli, artemq; omnem militarem felicissimè constituerat *Hosilius*: multum urbi profuerat ædificator ille *Ancus*: ornamenta *Prisci* & insignia venerabilem imperio conciliaverant majestatem: diligentia *Tullii* in censu, classibusque ac curiis ordinandis, jure meritoque laudibus evehebatur. Sed incassum sudaverat horum omnium labor, pessimè collocatæ erant vigiliæ omnes & curæ, si id tantum actum erat, ut superbiæ *Tarquiniorum* & importunitati perpetuò

O R A T I O

obnoxii viverent Romani. Quorum libidine infandâ, indignissimisque contumeliis irritata civitas, tandem sic exarsit, ut ejectâ exitiabili domo, jugoque fœdisimæ servitutis excusso, Nomen etiam imperii æterno damnaret exilio, duobus illi seculis, & annis prope quinquaginta tam salutare.

Neq; aliâ *Decemviri* eâdem in Urbe secuti temporibus fortunâ usi sunt. Legesilli, hoc est, animam & vitam Reip. dederant, beneficioq; sibi illam immortali obstrictam tenere videbantur. Sed ecce, cùm iidem, qui autores fuerant legum, fierent subversores, nec quæ in publicum statuerant, ipsi servarent: ea generoso populo imposita est necessitas, ut, cùm aliâ nullâ ratione salvos se esse posse intelligerent, libertatem suam, & jura, quæ acceperant, asserturi, sepositâ omnitâ recentis beneficii memoriâ, impiam dominationem armis profligarent, & in legum conditores secundum illarum normam & præscripta animadverterent.

VIRI MAGNI, AUDITORES COLENDI PLURIMUM, AC OBSERVANDI, Non absimili sanè modo ac factò illud evenit, ut Majores etiam nostri, tùm *Cruciferorum* Ordini ac Nomini multis olim magnisq; meritis essent devin-

SECULARIS.

vinctissimi, tum incredibili tandem illorum ad-
 acti protervia, immanitatem eorundem ac ty-
 rannidem crudelissimam ad postremum repelle-
 re, & salutem suam his, quas divinæ pariter o-
 mnes ac humanæ leges laudant & approbant,
 rationibus assertum ire cogerentur. Quod si quis
 ea sic dici à nobis mirabitur, ut, quorum into-
 lerabili jugo cervices nostras liberatas gaudemus
 hodiè & triumphamus, quique has terras nihil
 aliud nisi hostili semper animo oppugnarunt,
 eorum adversum progenitores nostros merita
 agnoscere & commendare non dubitemus: is
 vel ex eò nostram æstimet æquitatem, qui ne
 post scelera quidem & rabiem illorum, qui suc-
 cesserunt, immemores esse velimus beneficio-
 rum, quæ à cæteris in nos profecta sunt. Ab-
 sit enim à nobis, absit tam ingrati animi nota:
 qui, quantum *sacris* illis, ut erant initio, & ferè-
 bantur, *Militibus* debeamus, non inviti profite-
 mur. Quorum si, quoad longissimè respicere
 nostri nos patiuntur annales, res gestas repeti-
 mus, ancipites incertiq; dubitamus, utris illi plus
 profuisse videri debeant, hisne, quibus per tam
 longa viarum ac regionum spatia auxilio adve-

M.

nerant;

ORATIO

nerant; an illis, contra quos tam periculosi belli aleam suscipere non detrectarunt. Illud citra dubium in confesso est, arma illos pia & sancta initio cepisse; nec strinxisse gladium, nisi pro gloriâ ejus, quam in insignibus suis ac chlamyde gerebant, *Crucis*.

Erat tum ea in his terris rerum facies, ut gentes finitimæ, *Christianam* pietatem professæ, à *Prusis veteribus*, profanæ (proh dolor!) superstitioni atq; impietati mordicùs addictis, maximis, iisq; infinitis incommodis afficerentur. In primis vicinæ *Masovia* graves, perpetuis eam incursionibus perpopulabantur, ferro, igni, quacunq; tempestas illa se verterat, vastantes omnia ac proterentes. Illorum igitur insultibus asfiduis *Cunradus Dux Masovia & Cujavia, Lesci, Albi* cognominati, Frater, illius, quem ter admovit fortuna *Poloniæ* clavo, ter repulit, fatigatus tandem atque exhaustus, cum nec domitis sibi esse virium intelligeret; nec in Fratribus, quos *Ensiferos* appellabant, quicquam præfidii invenisset, copiis, quas ex *Livoniâ* illi miserant auxiliares, occidione deletis: dispiciendum sibi, & alia adversus præferocem hostem
auxi-

SE C U L A R I S.

auxilia quærenda arbitrabatur. Emerat ille pacem : sed quam minùs tutam, certè non diuturnam fore intelligebat , quippe pretio emptam, idq; ab hoste tam lubricæ fidei.

Celebre cum primis illis temporibus in orbe Christiano ferebatur nomen *Fratrum Teutonicæ Nobilitatis*, quos à salutari sanctissimæ *Crucis* signo, cujus illi audire Propugnatores cupiebant, *Cruciferos* appellare placuit. Qui, cùm Palæstinam Christianis Principibus extorsissent *Saraceni*, validiori hosti & ipsi cedere coacti, *Venetias* sedem suam & fortunas transportaverant. Eos, propositis conditionibus non adspernandis, *Cunradus*, quem diximus, sibi conciliavit, illorumq; operâ *Pruthenos*, successu rerum hætenus ferocientes, brevi sic compescuit, ut aliena corripere vix ausi, fatis haberent, si sua tuerentur. Verùm illi nondum hic subsistendum rati, cùm egregiam Christianis suis operam navassent, de Hostibus etiam ipsis, ut par erat, præclarè mereri voluerunt. Et meriti profectò sunt præclarissimè ; servatis, contra quos pugnabant. qui aliter salvi esse non poterant, nisi vincerentur.

Mira res dictu ! Profuit Majoribus Nostris,

O R A T I O

succumbere : qui adversus quos , tanquam latrones atq; aggressores nefarios odiis æternis decertandum sibi esse credebant , per eos monstris longè teterrimis , *Barbarie & Superstitione*, sunt liberati. Quo beneficio nullum sanè illustrius , nullum divinius cogitari potest. Laudibus summis effertur , immo in Deorum immortalium numerum ab antiquis refertur , ille

Omnibus in terris , quæ sunt à Gadibus usq;

Auroram & Gangem, ——— ———

notus Hercules : qui tot noxiorum animalium , quibus homines , urbes , gentes infestabantur , dormitor ac victor , metu illorum terras virtute incredibili liberavit. At nostros illos Heroas quantum egisse existimabimus , qui manu suâ tot *Monstra* , tamq; immania eliserunt ? Non hic repetam altius , quæ vetustis consignata annalibus , nemini non obvia esse possunt. Parum erat *vitam* agere *agrestem* atq; incultam , asperis moribus ritibusq; , ferarum instar , quæ ad pastum & ventris saginam abjectæ , nihil præterea capiunt , sapiuntque. Parum & hoc erat , *latrocinis* grassari & cædibus , & contra studia naturæ omnia atq; instituta obduruisse.

Ad

SE C U L A R I S.

Ad *Religionem* venio: quæ tam erat horribilis, ut Nomina execrandorum Numinum quibus miserrimi se mancipaverant, sono ipso tremenda sint ac formidanda. Abominatur oratio atq; averfatur *Potrympos* illorum, *Percunos*, *Poccollos*, *Perigribios*, *Pelvittos*, *Perdoytos*, *Occopirnos*, quos illi aquis, tempestatibus, aëri, arboribus, agris, navibus, toti deniq; rerum universitati præficiebant. Quorum pacem tam dirâ & cruentâ sacrorum religione exposcere consueverant, ut non *Hirco* tantùm immolato, sed *humanis* etiam *victimis*, crudelissimâ superstitione mactatis, eos venerarentur. Quis sine horrore cogitet sceleratum illum *Lucum*, & *Quercum* prægrandem, tam diræ immanitatis sacrificiis destinatam: cujus opacæ frondes & folia, infinito non bestiarum tantùm, sed hominum jugulatorum sanguine conspersa ac foedata, impiam barbaræ gentis pietatem, certiùs quàm illæ in Dodonæo nemore, quas vocales olim ac fatidicas fuisse profani tradunt autores, loquebantur. Quid dicam de abominando cultûs genere, quod Diis suis multò omnium esse gratisimum mortalium miserrimi sibi persuaserant, ut constructo rogo semetipsos igni infelicis-

O R A T I O

fimo cremandos offerrent? Quo pacto si quis
 lætus ac lubens ex coetu viventium emigrasset,
 eum citra dubium nullâ interjectâ morâ ad bea-
 tissima Deorum immortalium concilia admitti,
 votorumq; omnium compotem, summis apud il-
 los voluptatibus perfruiturum, stolidissimè crede-
 bant. Unde ex *Regibus* etiam illorum fuisse legimus,
 qui non minori, quàm *Decii* illi Romani, & animo,
 & amore in patriam, capita sua devoventes,
 flammis corpus traderent abolendum, abituri ad
 Deos, illorumq; opem adversus hostium, Chri-
 stianorum, vires atq; impetûs, præsentibus ipsi,
 Civibus suis impetraturi. Ne commemorem
 alia, quæ in promptu forent, si excutere sollici-
 tiùs veterem omnem memoriam animus esset.
 Quæ detestanda religio etsi ipsâ immanitate sa-
 crorum invisâ esse cultoribus suis debuisset: ta-
 men, excubantibus etiam pro regno suo immun-
 dis Geniis, quorum sæpe, si quid egissent segniùs,
 ultricib⁹ velut flagellis vexabantur, cæci illi ac bar-
 bari tam infano pro eâ ardore propugnabant, ut,
 nisi armis tam piis ac sanctis victi atq; compulsi,
 nunquam illam dimisfuri, subinde certè ad eam
 relapsuri fuissent: cùm nec ferrent, nec admitte-
 rent

SE C U L A R I S.

rent saniozem Numinis cultum tradituros. Homines sævi atq; efferati. qui *Adelbertum* jam olim, virum sanctitatis famâ inclytum, cùm ex Pannoniâ, quam Christianâ pietate imbuerat, eâdem mente in Prusiam se contulisset, melioribus illam ritibus initiaturus, ad altare ipsum, rebus divinis operantem, telis septem confossum, furore immanissimo trucidassent. Ut vel ex his, quæ paucis attigimus hæcenus, facile cuivis appareat, quàm non sine insigni improbitatis atq; ingrati animi notâ diffiteri possimus, quantum Prusia nostra felicibus Cruciferorum armis olim debuerit: quorum virtute non finitimi tantùm Christiani defensi; sed Pruteni etiam ipsi barbaros mores & sacrilegam religionem ejurare tandem, cultumq; ac ritûs meliores admittere compulsi sunt.

Quæ res quibus curis ac sudoribus, quantis periculis atq; ærumnis, quàm infinitis sumtibus atq; impensis, quàm multo deniq; Virorum illustrium ac nobilissimorum sanguine constiterit, dici equidem vix potest. Loquuntur id Annales nostri. qui, quàm multi ac numerosi, quàmq; fortes, rebusq; omnibus instructissimi exercitûs à

ORATIO

summis *Germaniæ, Poloniæq;* ac *Bohemia* terræ *Principibus* in Prusiam misi sint, immò quàm multi *Duces, Comites, Barones,* aliiq; & generis splendore, & fortitudine illustres viri, cum copiis lectissimis, *Cruciferorum Ordini,* adversus infideles ac barbaros militanti, auxilio venerint, satis disertè testantur. Neq; illi ad rem paratam atq; ad prædam veniebant; sed salutem suam mille objicere molestiis ac periculis cogeantur: cùm pugnandum esset adversus hostes, si militarium artium, bellandiq; scientiæ non æquè gnaros; callidos tamen atq; immanes, & cùm multitudine suâ, tùm amarissimo in Christianum omne nomen odio præferoces. Quorum parte contusâ, quasi res esset cum *Lernæâ Hydrâ,* plures statim, qui in priorum locum & pertinaciam succederent, enati, in fortissimos illos *Hercules,* non minùs, quàm ille Poëticus, *vinci dolentes,* creverunt.

Neq; tàm audacia hostium & vires, quàm perfidia & *crudelitas* plusquam barbara terrori erat: inprimis cùm in eos, qui vivi in illorum venerant potestatem, modis planè inauditis, atrocissimisq; suppliciis sæviretur. Cujus rei quin exemplum in medium afferam, temperare mihi

S E C U L A R I S.

mihî non possum. Neq; hic dico de *annuo more*, quo solenne illis erat & vetus, ut aliquem ex hostibus captum infelici arbori alligarent, pectusq; ejus, captandi *ex sanguine* profluente de futuro belli successu *ominis* causâ, sagittâ peterent. Levius hoc videri poterat: atrocius est, quod dicam. Si quando hostilium copiarum *Duce*, vel aliis, quos præcipuæ apud suos fuisse dignationis intellexerant, potiti essent, solebant illum, vel ex his aliquem, sorte ductum, ex lege crudelissimæ superstitionis, Diis suis ut victimam acceptissimam mactare, non simplici peremptum morte, sed, ut impiæ religionis ritus augustior videretur, & infelici barbari furoris hostiæ supplicium gravius esset, eo, quo proditum comperimus, modo. Is qui tam tristi piaculo destinatus erat, loricâ & armis consuetis paratus ornatusq; equo imponebatur, vivus & vinctus. Tum *quadrupedem* ad arbores, vel palos solo infixos, constringentes, congestis lignis simul *cum Equite* in honorem Numinum, quibus se addixerant, *combarebant*. Dirum sanè & supplicii & sacrificii genus! Quo cùm alii complures, tum *Hirtzbalsius* quidam, ex primariâ Magdebur-

ORATIO

gicâ nobilitate, vir manu strenuus, è vivis sublatus est, frustra pro eo laborante ipso Barbarorum Duce. qui Hirtzhalsii beneficio aliquando dimissus, officii memor, referre gratiam servatori ac liberatori quondam suo optabat, nisi fors, quæ ter consulta nullum aliud nomen citabat, voluntati refragata esset. Quis miretur, ubi ad pugnam ventum erat, tantis viribus tantoq; ardore à Nostreis dimicatum esse, ut hostes plerumq; quamvis numero superiores, terga vertere, vel in acie cadere, aut arbitrio se permittere victoris cogerentur? Equidem vel hanc tam immanem barbarorum ferociam pro cote fuisse crediderim Christianæ nobilitati, quâ generosa pectora acuerentur, ut, etiamsi cecidissent, de genu pugnando fortiter mori maluerint, quàm in potestatem venire tam truculentæ gentis. Quæ res ad victoriam procul dubio haut parum sæpe momenti attulit.

Quamquam non armis tantùm pugnatum sit in contumaces; sed, quæ expeditissima est ad expugnandos animos via, *Liberalitate* etiam & *benivolentiâ* provocati, si qui à mansuetudine non ominò viderentur alieni. Unde factum est,
ut nec

SECULARIS.

ut nec eos, qui se Ordini permiserant, sententiae suae poeniteret; nec qui arma contra gesserant, aut à fide desciverant, desperarent. Testis ejus rei *Schomandus*, Sudaviae Princeps, qui cruento antè proelio profligatus, cùm paulò post, non parvâ comitatus Nobilium manu, ultrò ad Teutonicæ militiæ Fratres se contulisset, ad jura & communionem Ordinis, quod virtuti hominis dandum videbatur, admisus, operam suis ex eo Commilitibus non poenitendam navavit. Testis *Nandiotta*, cui ob crimen paternum ad ligones & rastra damnato, cùm, quod deliquerat pater, majori ipse fide pensasset, & avita hæreditas, & dignitas equestris restituta. Testes imprimis *Immunitates* amplissimæ, quibus hi, qui ejurato Idolorum cultu, pietatem Christianam amplexi essent, donabantur, eodem, quo cæteri essent Christiani, futuri loco.

Quò pertinet *Privilegium* illud, quod vocant, verè aureum, Civitati primùm *Culmensi* (princeps illa tum erat, & mater Urbium, semperq; futura credebatur: unde Juri, quo hodieq; utimur, nomen datum; quod Urbis penè sæpius nomine, quàm Juris appellari vulgo consuevit) *Culmensi*,

O R A T I O

inquam, primùm Civitati & *Thoruniensi* indultum; sed quo cæteræ etiam *Prusiae Urbes* in universum omnes deinceps gaudere jussæ sunt. Quo Privilegio cùm Magistratuum Urbicorum dignitati, libertatiq; Civium diligentissimè consulitur, tùm (id quod alibi sanè locorum tam est infrequens, ut híc omninò commemorandum videatur, idq; ipsis, quæ in veteri Privilegio habentur, verbis) *tota Terra prædicta ab omni penitus Telonii exactiōe* (vectigal innuitur, rerum causâ, quæ vel exportantur, vel aliunde advehuntur, pendi solitum) *absolvitur.* Nobile sanè Palladium, maximiq; à Majoribus nostris jure meritissimo æstimatum! Ut silentio præteream alia, quæ tum à cæteris, qui summâ cum laude Collegio Staurophororum præfuerunt, tum à *Feuchtwangio Sigfrido, Kniprodio, Cunrado Jungingio*, utilissimè constituta sunt. Nimirum usu edocti didicerant, firmiora esse imperia, quorum custos benevolentia esset & fides, quàm quæ metu ac terrore continerentur; potiolemq; esse gratiæ vim, quàm armorum. Cujus salutaris præcepti vel oblivio illos tandem, vel neglectus cepit, magno suo cum malo. Verùm de his postea erit dicendi

locus.

SE C U L A R I S.

locus. Illâ igitur ratione id consecutum est, ut, quod initio sperare vix ausi essent, spatio non ita longo, *annis quippe quatuor supra quinquaginta, auspiciis Magistrorum absentium* (nam relictâ Asiâ Venetiis fixerant sedem) *ductu Provincialium*, quos *Provisores* etiam appellabant, *Prusſia omnis perdomita*, Cruciferis dicto audiens esset, breviq; morum, linguæ, artiumq; variarum cultu sic effloresceret, ut nulli terrarum inferior eâ in parte videretur.

Opibus certè tam affluens fuit, ut fidem apud multos vix inventura sint, quæ afferuntur. Cui rei vel illud documento erit, quod de Agricolâ prædivite in pago, à Sylvâ, Nicolao sacrâ, cognominato, traditur, tam portentosi somniive simile, ut commemorare vix audeam; cùm vereri me oporteat, ne quis anilibus magis veterum fabulis, quàm historiæ accensendum putet. Ajunt illum frugalitate suâ, sive fordibus veriùs (fuisse enim pecuniæ non tenax, sed, ut Plautus more suo festivè, pertinax perhibetur, qui, verbo non absurdo, *magnas divitias minusculis digitulis tangendas* diceret) tantum nummorum collegisse, ut vasa majora lignæa, quas tinas vocant, duo-

ORATIO

decim domi suæ haberet: ex quibus vasis undecim pecuniâ ad summum completis, duodecimi pars complenda supererat. De joco rustici hominis non adeò inurbano, quo usus, Magistro, qui novis ex Germaniâ Hospitibus, cæterâ Provinciæ, quam deprehendissent, ubertatem deprædicantibus, divitias hominis ostentaturus advenerat, sic placuit, ut quod tinæ duodecimæ deerat, ex fisco suppleri à Quæstore præsentem juberet, nihil dicam. Res lippis etiam & tonsoribus, quod ajunt, apud nos nota est. Quemadmodum & illud, quod de *Rusticis Lichtenæviensibus* in ore est omnium: quos felicitas nimia tam insolentes reddiderat, ut petulantia illorum vix par ulla reperiatur in aliarum gentium monumentis.

Ad *publicas opes* venio. Quæ vel ex eo, ne fusius persequar omnia, facile æstimari possunt, si tot *Oppida* munitissima, vel condita à Cruciferis, vel instaurata; tot *Arces* fortissimas, quarum hodiè nec rudera sine stupore intueri quisquam potest, consideremus. Ex quibus complures tam brevi temporis momento ad

SE C U L A R I S.

to ad eam magnificentiam constructæ sunt, ut ultra fidem videatur.

His tam multis, tamq; ingentibus meritis, non indigni videbantur, qui perpetuum in has terras, tantis à se laboribus occupatas, tanto studio auctas atq; ornatas, imperium obtinerent.

Verumenimverò quid erat, DOMINI AC PATRONI COLENDI, AUDITORES OPTIMI, quid erat, obsecro, ut *Augustus* marmoream relinqueret Romam, quam lateritiam invenerat, si in hoc laboratum erat, ut monstrosus aliquis *Nero*, Trojanum excidium as simulaturus, urbem incenderet? Quid erat, ut legibus, pro fortunâ temporum non iniquissimis, saluti civium prospiceretur, si illud supererat, ut foedissimus *Caligula* eò progredi auderet immanitatis, ut Populo Romano unam cervicem optaret? quam uno scilicet ictu carnifex scelestissimus demeteret.

Benevolentia, quæ esse desinit, nunquam vera fuit. Odimus beneficia & execramur, quæ sic collata sunt, ut majoribus damnis & contumeliis pararent locum. Ut vitam, ut salu-

O R A T I O

tem, ut libertatem, quoad ejus facere honestè possumus, tueamur; ut vim injustam, ut furorem non hominum minùs, quàm bestiarum favientium repellamus; ut pro aris & focis, pro incolumitate sociorum & nostrà, pro juribus Reipub. & commodis pugnemus; ut pudorem Uxorum & Liberùm vindicemus; ut servitutem tanquam malorum ultimum aversemur; ut mori deniq; velimus, quàm mancipia æternùm esse libidinis tyrannorum: natura clamat, ratio dictat, lex non permittit tantùm, sed præcipit etiam, ac jubet. Quis non videt, vermiculos etiam, quantumvis minutos, quantumvis infirmisimos, tamen, naturæ genio stimulante, resistere prementi, quoad possunt? Quamobrem nemo, ut opinor, tam præceps erit atq; imprudens rerum censor, ut inconstantia nos arguere, aut damnare sceleris audeat, qui illo Ordine, cui tot meritis, tam immortalibus beneficiis videbamus devinctissimi, deserto, à fide defecerimus. *Non nos illos; sed illi nos, & fas omne deseruerunt.* Non à fide nos defecimus; sed illi ab omni, quod est inter homines, jure.

Quæ si ostendenda nunc essent copiosius,
pro-

SECULARIS.

nemo non satis superq; intelligit, tam vastum ac latum sese nobis aperire dicendi campum, ut initium sermonis invenire facilius sit, quàm finem prospicere. Atq; utinam tam foeda vulnera detegere, nunquam opus esset! Utinam æterno illa operire silentii velo liceret! Causa citra omnem controversiam patrocínio nunc non indiget. Probata illa est DEO: probata ut bonis omnibus, & cordatis; sic inprimis SERENISSIMIS POLONIÆ REGIBUS. Qui nullâ re aliâ, nisi sanctissimo *Justitiæ* amore, quo laudatissimi Principes semper flagrarunt incredibili, permoti atq; impulsî, & causæ nostræ, & Terrarum afflictissimarum patrocínium ita susceperunt, ut fracto, quod nodo intolerando cervices nostras constringebat, iugo, & tyrannide profligatâ, immortalî augustissimæ Domûs beneficio, *salus, libertas, jura* civibus non reddita modò sint fortissimè, sed aucta etiam clementissimè & conservata. Quod beneficium quamvis sit longè maximum, neq; ullius vel disertissimi oris facundiâ satis unquam deprædicari queat: multo tamen illud jucundius evadit atq; illustrius, si, *quàm indigna sub Cruciferis ferenda fuerint,*

Q

vel

ORATIO

vel obiter & cursim in memoriam nobis revoce-
mus, atq; ob oculos ponamus.

Illi verò post longos bellorum labores, par-
to jam otio, degenerantes protinus, omniaq;
sacrae militiae munia obliti, documento esse cœ-
perant, *facilius adversa tolerari, quàm secunda*. Quiq;
initio, cùm ex lege sui instituti, stipulâ pro toro,
& culcitâ quæ corpori resisteret, uterentur,
pane contenti & aquâ, tam fortes fuerant, re-
busq; præclarè gestis inclyti: hi momento, feli-
citati concoquendæ impares, sic mutati sunt, ut
agnosci non possent. Illi *religionis* adversus bar-
baros antè vindices strenui, nunc omni ejus tu-
endæ curâ abjectâ, *regiones* tantùm & provincias
sitiebant. *Crucem*, quam intuentes pro Christia-
ni nominis gloriâ pugnandum sibi, fratribusq;
pressis atq; afflictis subveniendum esse mone-
bantur, nunc ideò sibi datam cogitabant, ut *Cruces*
se omnium esse debere meminissent. Hinc per-
petuus, & inexsaturabilis bellandi ardor, cùm
vitam sibi acerbam putarent hominum inquietis-
simi, nisi esset, quem vexarent. Non hîc
expeditiones loquor, adversus *Lithuanos* susce-
ptas. Causa speciosa erat: in paganos tum
ibatur.

SECLARIS.

ibatur. Tandem laxis repagulis eò prorupit armorum & animorum furor, ut *sanguine etiam Christiano*, sacri scilicet bellatores, gladiatorum suorum foedare aciem non erubescerent. Et ne quid impietati deesset, debellabant *amicos*, si hostem non haberent.

Cum primis infesti *Polonis*, quibus quantum deberent, ignorare non poterant, fines eorum crebris excursionibus turbabant: ingratisimi mortalium, arma fumentes in illos, à quorum olim cognatis Principibus, extorres ipsi tum atq; egentes, non acciti solùm huc locorum fuerant, verùm etiam in compescendis barbaris plurimum adjuti. *Tam malè apud impios locantur benefacta!* Et quamvis coiret interdum pax, & foedera percuterentur: quies tamen brevis ferè erat atq; infida, Cruciferis ad occasiones omnes intentis, & arma, quoties commodum videbatur, contemptà fide resumentibus. Qui ne claudibus quidem, quas & multas, & magnas, DEO perfidiam vindicante, passi sunt, emendari poterant: obfirmatis ad extrema animis, & ambitione sic in transversum actis, ut nihil se indignum putarent, dum destinata consequi se posse confiderent.

ORATIO

Quòd si hosti viribus impares, reprimere impetum cogerentur; quam in illum non poterant, in subditos suos & cives bilem impotentissimi Domini effundebant. Hos oneribus variis affligere, hos tributis atq; exactionibus iniquissimis exhaurire, hos deglubere, atq; ut Cyclops ille apud Poetam

Visceribus miserorum, & sanguine pascitur atro,
fortunis omnibus, adeóq; animâ spoliare, solatio illis ac voluptati erat. Nec consulere aliter rebus suis posse videbantur, exhausto assiduus bellis ærario: quæ non ferro magis, quàm auro à callidissimis ambiciosissimisque hominibus gerebantur. Quo artificio jam olim, cùm nondum adeò haberentur degeneres, usi, *Urbem* etiam hanc nostram *Gedanensem*, non tàm armis victam, quàm fraude primùm ac scelere perfidi hominis proditam, mox pretio emtam occupaverant: si emisse dicendus est is, qui ab illo, cui nihil in rem juris erat, accepit.

Atq; hac occasione illud obiter repetere non alienum videtur, sicuti *Dantiscum* Oppidum, eâ quâ diximus ratione, à Cruciferis occupatum fuisse, negari non potest, qui bolum hunc, ut lupiava-

SECULARIS.

pi avarissimi, nullo sibi deinde pacto, ante fatalem dominationis suæ diem, è faucibus eripi passi sunt: ita falli omninò eos, qui ab illis demum condi cœptum affirmant. nisi *Primariam* intelligunt *Civitatem*: quam sua illis debere incunabula, inficiari non possumus. Cæterum de ultimâ oppidi Gedanensis origine longè alia afferri possent, nisi verendum esset, ne extra oleas vagari videremur. Quanquam illud interim indictum relinquere non possumus, longiùs omninò quàm vulgò putant, natalem ejus arcesendum esse: cum vicum ad *Rodanum* confluentem (unde celebre apud Græcos *Eridani*, fluvii Attici, nomen cum *Vistulâ* etiam nostro, quem Rodano Graji, rerum nostrarum non satis gnari, sæpè confundebant, communicari cœpit) mercatu *Electri* seu *Succini* nobilem, bis mille retro annis fuisse, clarissimus Urbis hujus *Godanii*, ut ipse, vocabulo ex æterni DEI nomine derivato, Patriam suam appellandam putat, alumnus, *Philippus Cluverius* eruditissimè demonstrare conetur. Sed redeamus in viam: à quâ me digressum esse fateor, & veniam, pro eo, uti par est, precor.

R

Cum

ORATIO

Cùm igitur non ferreis tantùm, sed aureis etiam, sicuti ex his, quæ in medium allata sunt intelligere in promptu est, atq; argenteis pugnare lanceis soliti fuerint cati isti bellatores: quis dubitet, in *tributis* imperandis exigendisq; perstrenuos etiam fuisse? Inprimis cùm *luxus* tandem accederet in cultu, & plusquàm Perfici conviviorum apparatus. Cujus rei artifex cumprimis egregius celebratur ille, militiæ simul & malitiæ Magister (nomini ob illustria splendidissimæ Familiæ merita jure libenterq; parcimus) qui Proceribus ad *epulas* lautissimas convocatis, mensâq; pretiosissimâ (quingentis Marcarum, quas vocant, Prussicarum millibus paratam tradunt) exceptis, vasa omnia, phialas, crateras non nisi aureas argenteasq; apposuit, eâ lege promulgatâ, ut ex singulis non nisi semel biberetur: quo factò is qui bibisset, patet, quam spumantem exhauserat, donabatur, eò plura ejusmodi præmia reportaturus, quò plures majoresq; culullos strenuus potor evacuasset. Hem virum oppidò munificum, & perliberalem, Vitelliosq; ac Heliogabalos satis ingeniosè æmulantem! Quos censûs, quas lacrymas,

SECULARIS.

mas, quantum sanguinis infelicium Subditorum cum illo vino, à gurgitibus istis putamus absorptum! Et multa tamen, præterea perditissimè nequisimeq; profusa, sciens ac lubens transeo.

Quid de *Præfēlis*, quid de cæteris Fratribus dicam? Quorum insolentia atq; avaritia tantò erat gravior, quò illi plures erant: ut totidem Dominis ac Tyrannionibus Prussia esset obnoxia, quot Cruciferi numerarentur. Hi & ingenuità ferocià elati, & otio, fortunæq; lenociniis corrupti, id solum negotii sibi datum credebant, ut Cives ac Subditos innocentes, tanquam mancipia & utrarios vilissimos, indignissimis haberent modis. Hos conscindere, hos omni injuriarum genere afficere; his contumelias, ingenuis morte ipsà acerbiores, facere; hos bonis fortunisque omnibus spoliare; horum dignitati honoribusq; illudere; horum vitæ insidiari; hos indictâ causâ, ad arbitrium libidinemq; suam, in vincula conjicere, cædere, trucidare; horum filias & uxores ludibrio habere; verbo, in hos nihil non audere: leges, jura, privilegia, si obtenderentur, contemnere, ridere, proculcare. Quis non toto animo contremiscat, vel

O R A T I O

uno, quod proferam, quamvis sine horrore & pudore proferre non possim, facinore audito, ex quo Phalaridas istos ac Busiridas omnes cognoscere, haud difficile futurum est. Hæreditatem *Viduæ* cuidam pauperculæ ambiguum faciebat civis alius ditior, non causæ æquitate, sed opibus suis fisus, quibus *Judicem*, farinæ ejus & ordinis hominem, nihil negaturum, sibi persuaserat. Promittit Judex, litem se secundum eum daturum, sed hoc pactus, ut uxoris, quæ non illepida illi erat, usuram daret. Assentiente lenone foedisimo, dum, ut diutiùs muliere frueretur, causâ trahitur, oculos impurissimos sceleratus ille *Appius* in puellam conjicit, *Viduæ* filiam, non mentem minùs, quàm formâ honestâ. Hac ut potiretur, alteram jam pertæsus, arcescitâ matre, sententiam pollicetur, qualem optaret, si ipsâ conciliante voti compos factus esset. Illâ verò tam execrabile flagitium detestante, excandescens & furens, abigit mulierem, hæreditatem contra fas omne adversario decernit. Talia si Judices constituti perpetrare non sunt veriti: quâ, obsecro, audaciâ cæteros grassatos fuisse existimamus?

Quodd

SECULARIS.

Quòd si quis fortè majori, quàm par erat, invidiâ hæc dici putat, cùm nefario illi sceleri dignum supplicium inflictum fuisse, historia testetur: fatemur hoc quidem; sed ita, ut virtuti Magistri, qui tum rerum potiebatur, id imputemus. At quis deinde indignissimam *Letzkovii, Hechtiq.*, Præconsulum Gedanensium, itemque *Grosfi* Consulis cædem ultus est? Quos non de Rep. tantùm suâ, sed de Cruciferis etiam optimè promeritos, Præfectus Gedanensis (Com mendatorem appellabant) in arcem ad epulas invitatos, Carnificis gladio objecit, atq; isto tam impium ministerium detrectante, ipse vino & irâ in furorem actus, fociis adjuvantibus, vulneribus innumeris contrucidavit, vix cadavera tandem interfectorum consternatæ civitati reddens. Quâ immanitate scelus hominis nondum satiatus, ultra rogum odiis crudelissimis sæviens, Viduas etiam & Liberos, quos solatio omni & præsidio ornaverant, nullam aliam ob causam, nisi quòd conqueri illos de injuriâ & atrocitate facinoris intellexerat, fortunis omnibus spoliatos, in exilium egit. O barbariem! O crudelitatem! Hæccine homines, hæc Germanos, hæc viros stemmate illu-

O R A T I O

stres, hæc Christianos denique, & Sacram militiam profesos, cogitare potuisse, nedum perpetrare! O Prusiam multò, quàm Sicilia olim fuit, sub his Tyrannis infeliciorem!

Et quid præsidii sperari poterat adversus eos, qui passis dudum velis in omne scelus abrepti, sic ferebantur, ut nec *Magistro*, si quàm nimiam quilibet audendi licentiam coercere vellet, dicto audientes essent? Cujus nomen Superbis istis tam vile erat, ut si quis sententiâ iniquissimorum Judicum afflictus, appellare illum auderet, protervè admodum illudentes, verbis contumeliosis increpitum rapi protinus à lictoribus suis in vincula, atque in foedissimum subterranei carceris specum detrudi juberent. Auspiciis sanè ejus & autoritate non aliò utebantur nefarii homines, nisi ut Ducem haberent scelerum ac bellorum, ad quæ turbines inquietissimi perpetuò illum inflammabant; summo ejus discrimine, nisi obsequeretur. Sensit id *Wernerus Urselius*, à sicario, quòd importunis ejus precibus annuere nolisset, crudelissimè jugulatus. Sensit multò magis (si quis privatum percussoris facinus Ordini acceptum ferre nolit) *Cunradus de Jungingen*, qui, quòd pacis aman-

SECULARIS.

amantior videretur, feroculis suis Commilitonibus adeò contemptui fuit, ut subornato aliquando Morione, *Abbatissam** eum salutarent, quasi Puellis rectiùs imperaturum, quàm Viris. Sensit denique *Rusdorsius*, furialibus Fratrum turbis, funestisque concertationibus sic perterrefactus, ut salutis suæ metuens, tumultuantium manibus elapsus, clam correptâ fugâ, summâ festinatione, *Dantiscum* se reciperet, Senatui confessus, salvi nihil futurum, nisi Respub. conjunctis & animis, & opibus ruinam imminentem fulciat atq; avertat.

Quamobrem ne deserta ultimo in discrimine Patria sceleratis furiosorum manibus penitùs everteretur, frequentissimis Comitibus, Equites, Nobiles, Civitates Prusiae, in commune consultant, & Foedere (cujus jam, *Sternbergio* Supremo Ordinis Præsidente, pulcherrima jacta fuerant fundamenta) summâ virtute & constantiâ inito, ad Magistrum, Ordinisque dignitatem debitâ fide custodiendam, ad Judiciorum integritatem asserendam, ad Immunitates, Jura, Privilegia, Majorum suorum virtute & meritis parta, ad Libertatem, quam ab illis acceperant, conservandam, ad Opem denique mutuam oppressis atque afflictis ferendam, omni se stu-

*German. Gnädige Frau Aebtissin.

O R A T I O

dio incubituros, sanctissimâ sese religione adstringentes, invicem promittunt.

Quemadmodum qui scopuloso mari, fluctibusq; ac ventis exasperato, intempestâ nocte, vel nubibus undiq; adductis subitò eripientibus diem, nullâ vitæ ac salutis spe jactantur; exorto tandem inter has ferales angustias sole, jucundissimum ejus lumen intuentes, incredibili lætitiâ perfundi solent, & quamvis nondum omni se periculo liberatos intelligant, maximo tamen solatio eriguntur : ita Prussia nostra, posito, immortalis Numinis beneficio, hoc incolumitatis & libertatis suæ fundamento, respirare paulisper, & meliùs sperare ausa, ingenti exultare lætitiâ, ac triumphare gaudio cœpit. Satis autem gnara, nondum se planè ex procellâ se emerxisse in vadum, remis, quod ajunt, ac viris allaborandum censuit, ne inimicorum insidiis ac fraudibus *Navis* salutis suæ in Syrtes denuò & voragines præcipitaretur. Quare freudentibus Cruciferis, qui obicem istum suæ oppositum libidini ferre non poterant, cùm cœlum terramq; permiscere inciperent, & Fœderatos *Rebellionis*, perfidiæ, hæreseos etiam, si Diis placet, atq; infinitorum criminum

SECVLARIS.

num accusarent: illi quoq; rebus suis diligentissimè consulendum rati, & causam suam, & rationem Foederis, Magistro ipso consentiente, neq; ex Ordine quoquam, præter efferatos pacis ac quietis publicæ hostes, contradicente, initi, *Principibus, Regibus*, ipsi deniq; *Imperatori* sic probarunt, ut hujus autoritate atq; approbatione & *Fœdus ratum*, & Privilegia omnia ac Jura facta recta atq; integra esse juberentur.

Et qui damnare vir ullus bonus ac prudens causam potuisset tam piam, cum non id actum intelligeretur, ut Magistri autoritas conculcata vilesceret; sed ut sanctior illa atq; augustior apud omnes esset: non ut dignitati Ordinis illuderetur; sed ne hominum male feriatorum sceleribus atq; audaciâ illa prostitueretur: non ut potestas justa ac legitima illis eriperetur; sed ne violatis toties per summam perfidiam pactis ac fœderibus, arma impia capere, & Christianis, maximè Polonis, à quibus ipsi olim ad coercendos barbaros vocati, à quibus adjuti, beneficiisq; innumeris affecti erant, bella temeraria, subditorum inprimis ac civium, quos invitos protrudebant in aciem, & hostium telis objiciebant, san-

T

guine

ORATIO

guine luenda (ut in uno *Tannebergensi prælio*, cæso virtute VLADISLAI JAGELLONIS ad internecionem Cruciferorum cum ipso Duce exercitu, Urbs una *Dantisci* ex his, quos auxilio mittere foedifragis coacta fuerat, Cives nongentos desideravit) inferre auderent: non ut imperium omne excuteretur; sed ne tyrannidi illorum, atq; avaritiæ, libidiniq; licerent omnia: non ut illi, quasi compedibus vincti constrictiq; tenerentur; sed ne præter illos, cæteri omnes, infinitis impotentissimorum Dictatorum injuriis obnoxii, foediores, quàm qui ad triremes & metalla damnati sunt, servirent servitutem: non deniq; ut saluti illorum quicquam periculi crearetur; sed ne infrunitorum hominum scelere Prussia omnis funditus pessum iret.

Sed vicit nihilominus vafritia inimicorum atq; importunitas, remq; eò adduxit, ut ea omnia tandem secus crederentur. Neq; enim cessabant illi, *Fædus*, quod ita oderant, ut omnia se amittere malle, quàm istud ferre, ipsi profiteri auderent, modis omnibus oppugnare, & *calumniis* onerare innocentes. Quibus rebus effectum est tandem, ut ad tribunal Imperatoris rediretur:

SE C U L A R I S.

tur: ubi Principium operâ, quos in partes jam suas pellexerant Cruciferi, & aliis, quos pretio, promissis, variisque artibus expugnare certum erat, annitentibus, nihil non se consecuturos sperare audebant. Nec Fœderatis, quamvis judicio Cæsaris minimè se obnoxios crederent, displicebat forum, nullâ aliâ re, nisi æquitate causæ, ut illud sequerentur, adductis. Sed quam sincerè acta res sit, testantur violati contra jus gentium omnium, vulnerati, capti in itinere *Legati*: testantur literæ interceptæ: testantur alia summi sceleris ac proterviæ argumenta. Dictâ sententiâ (quamvis, ne diceretur, denunciantibus Legatis) damnatur fœdus, ab eodem Arbitro, à quo laudatum antea fuerat & confirmatum. Tum verò exultare Cruciferi, tum *multas* illi incredibiles, tum Syllanas ac Triumvirales optimorum Civium *proscriptiones ac cædes*, tum quicquid in mancipia, bello, ut jactabant perfidi, capta, excogitari sævitiae potest, spirare ac palàm minitari.

Sed prohibuit DEUS: DEUS, inquam, qui afflictissimæ gentis, & contra fas omne furori truculentissimorum hostium traditæ, miser-

O R A T I O

rus, hanc illis mentem dedit, ut excutere jugum, jam non-ultrà ferendum, auderent, & pro salute Patriæ, pro Libertate, pro Legibus suis ac Juribus, vel mori, quàm indignissima omnia sub tyrannide perpeti, gloriosius atq; honestius existimarent. Quid animi fuisse *Ludovico Erlichshufio* credimus, acceptis literis, quibus, proposità breviter nefariæ fraudis serie, *ne quid in posterum sibi suoq; Ordini in Prusiam juris vindicaret, quæ, naturæ humanisq; omnibus ac divinis legibus id indulgentibus, fide nullâ, nullo obsequii vinculo tyrannis superbissimis insolentissimisq; ulterius se devinctam profiteretur.* O præclarum illum diem, neq; ullâ unquam oblivione obliterandum! Qui fortitudinis Majorum nostrorum æternum erit atq; incomparabile ad omnem, quæ futura est, posteritatem monumentum,

Nec scripserant illi animosius, quàm agebant. Itaq; ut satis seriò res geri videretur, *Arces* primùm omnium destructæ, vel occupatæ, propugnacula tyrannidis, in quibus rapacissimi vultures nidulabantur. Principes pulcherrimi facinoris *Thorunienses* fuerunt, qui, planè ut *Pelopidæ* olim focii Thebas liberarunt, adolescentibus virginali habitu exornatis, felici dolo potiti sunt

arcis.

SECULARIS.

arcis. *Gedanensis*, Senatui ultrò tradita est, Præfecto vim exspectare non auso. *Elbingensibus* plus negotii fuit: sed nec illorum Virtuti pavidam jam hostes diu resistere potuerunt. Adspiravit & alibi fortuna: ita ut mense vix integro præterlapso, præter *Mariæburgum*, & pauca admodum oppida, quæ firmioribus præsidiis tenebantur, penè nihil Cruciferis, tot nuper Urbium atq; Arcium Dominis, relictum esset. Nimirum aderat jam fatale illud tempus, non vanis jam pridem,

----- si mens non læva fuisset,

vaticinationibus denunciatum, quo meritas tandem ambitionis, avaritiæ & tot scelerum poenas persolverent. Vindex ille Numinis oculus, quo velut connivente, quicquid allubuisset, patrare ausi fuerant, & flagitia illorum immanissima, & ardentissima tot innocentium desideria respexit. Respexit; & curæ sibi cordiq; esse res mortalium ostendit. ito

Vestram autem, *Cives fortissimi*, Virtutem quis est, qui dignis laudum præconiis evehere possit? Qui cum ne spei quidem jam quicquam Vobis relictum videretur, cum velut victimæ cultro

U jam

O R A T I O

jam & aræ destinati essetis, ipsâ, credo, desperatione animati, tam gloriosum, tamq; salutare consilium invenistis, suscepistis, perfecistis: qui præsidiis omnibus, nisi quæ vestra vobis Virtus daret, destituti, ducentorum, & quod excurrit, annorum dominationem, non domesticis tantum viribus validissimam, sed tot potentissimorum Principum auxiliis fultam, convellere ac labefactare ausi estis: qui (id quod vel cumprimis admiratione dignum, cum geminum ei exemplum in annalibus aliarum gentium vix, ut arbitror, reperire sit) rem tanti momenti, inter tot conscios deliberatam ac decretam, tam fidelis *silentio* custodivistis, ut callidissimi mortalium Cruciferi antè ejectos se, atq; oppidis castrisq; exsutos senserint, quàm periculi quicquam sibi exspectandum esse cogitarent. Vestram hanc virtutem, vestram fidem, vestram constantiam nulla unquam oblivio contaminabit: vestrum silentium, quod non, ut *Amyclas* olim, perdidit vos, sed servavit, secula omnia loquentur.

D

Libera jam erat *Prussia* & sui juris. Illa verò, nullam esse *libertatem*, quàm *sub bono Principe*, meliorem, probè gnara, eâ etiam de re statim cogitare

SE C U L A R I S.

gitare cœperat. Neque in diversum hîc seces-
 ferant sententiæ. *Unum* vota omnium pete-
 bant: ad *Unum* animi omnium & oculi respicie-
 bant. Quò se verterent, ipsum Patriæ so-
 lum in medium consulere videbatur. Cujus
 situm ac indolem intuentes, *naturam* ipsam,
 ut *Prussia* hæc nostra cum vicino inclytæ Polo-
 niæ regno, cui, si commerciorum ac negotiatio-
 num commoda prætereamus, finibus suis ac flu-
 minibus, tanquam venis ac nervis, arctissime
 connexa est, unum imperii corpus constitueret,
 unitusq; Principis sapientiâ, velut animâ regere-
 tur, *naturam*, inquam, ipsam hoc velle & præci-
 pere, facile intelligebant.

Quamobrem cum non amore licentiæ, ju-
 gum Prussia abjecisset, sed odio tyrannidis legi-
 timum imperium quæsisset, missi nullâ morâ in-
 terjectâ ad felicissimæ recordationis Principem
 CASIMIRUM, qui tum rerum in Po-
 loniâ potiebatur, quique jam antè, ut auto-
 ritate suâ paulò æquiores redderet Cruciferos,
 invocatus fuerat, Legati, *Terras, Arces, Oppida,*
sui jam juris facta, de communi tam Ecclesiastici, quam
Politici Ordinis consensu, Sacrorum Antistitum, Nobilium,

ORATIO

Militum, Civitatum omnium nomine, fidei Regiæ offerunt; Se, Salutem suam, Jura, Privilegia, Majorum virtute, sanguine, meritis parta, ei commendant; his salvis, fidem, obsequia, & quicquid cæteri præstant Regni incolæ, pollicentur, opem & patrocinium adversus acerbissimos nuper Dominos, nunc hostes, implorant.

Non respuendæ videbantur optimo Principi preces tam piæ, nec repudiandi cives egregii, tam pronis animis obsequia sua offerentes: *cum verendum etiam esset, ne repulsi ad asylum aliud confugiendum sibi putarent.* Quapropter *re cum Proceribus diligentissimè deliberatâ*, quamvis Cruciferi, qui nuptiis regiis, nuper admodum celebratis, interfuerant, præsentibus adhuc, modis omnibus obniterentur, admissi sunt supplices, patrocinium promissum, jura omnia non firmata tantum, verum etiam aucta.

Atq; hæc est illa dies, quam immensâ & ineffabili DEI Opt. Max. gratiâ hoc nobis beneficium clementissimè indulgente, læti hodiè & ovantes celebramus. Hæc est dies illa, quam salvo inclyto *Poloniæ* regno, salvis *Provinciis* cum regno *Poloniæ* conjunctis, adeoq; *Prussiâ* hac nostrâ salvâ, id quod inimicorum nunquam sperasset

SECVLARIS.

rasset acerbitas, post felicem *Duorum Seculorum* decursum, reducem nunc videmus, nemini nostrum antè visam, nemini nostrum iterum videndam. Hæc est illa dies, quâ Poloniæ Prussia addita; Prusiæ Libertas reddita, & Salus. Hæc est dies, quæ usum & participationem omnium honorum, jurium, libertatum & prærogativarum, quibus *Pralati, Barones & Nobiles regni Poloniæ* gaudent, nobis indulsit: quæ ad Serenissimorum etiam Poloniæ REGUM electionem & coronationem nos admisit. Hæc jura, libertates, literas, privilegia, munimenta nostra, quæ à Principibus Spiritualibus & Secularibus, Regibus & Dominis pristinis profecta erant, conservavit, stabilivit, auxit. Hæc à vectigalibus & portoriis immunes pronunciavit: hæc beneficiis aliis atq; ornamentis multò maximis beavit.

De quibus sicuti & ore nobis hodiè & animo lætissimo jure meritoq; plurimum gratulamur: ita illud omninò etiam cogitandum est, maximis tum illa omnia laboribus, periculis, impensis, immò vulneribus & sanguine constitisse. Fremebant etenim *Cruciferi* ac frendebant, vel *Acherontem*, si *Superos* non possent, concitaturi. Quare cum frustra *repetundarum* se acturos intel-

X

ligerent

O R A T I O

ligerent cum Poloniâ, armis consequi, quod jure nullo poterant, tentabant. Atq; ut solent plerumq; morientium bestiarum vehementiores esse morsûs, magisq; pestiferi: ita Tyranni pro recuperandâ, quam amiserant, dominatione, viribus undiq; collectis, depugnantes, summis periculis, cladibusq; tristissimis omnia involverunt. Ad *Coniciam* sanè oppidum tantâ rabie ab illis dimicatum est, ut non victoriâ tantum, sed Rege penè ipso, foedam suorum fugam animosius inhibente, potiti essent. Quâ fortunâ ne vel hostes impune exultarent, vel quos casus tam adversus afflixerat, animum desponderent, nullum non sibi lapidem movendum Princeps fortissimus existimabat. Qui *censûs* per omnem Poloniam acti? Quas pecunias Prussia nostra conferebat? Quæ vires, qui viri impendebantur? Longum nimis esset, enumerare velle omnia. Satis sit illud ad laudem: nec fortunis suis, nec sanguini, nec salutis ac vitæ quenkum pepercisse. Piâ omnes & gloriosâ æmulatione ad opem communi incolumitati ferendam, toto pectore connitebantur.

Citra invidiam, uti planissimè confido, futurum

S E C U L A R I S.

rum est, si quanto studio, quanto ardore *nostrâ* hæc Urbs ad suam sociorumq; salutem asferendam incubuerit, cùm recensere singula non possim, delibare saltem paucis nonnulla tentavero. Quæ non de propriis tantùm ac domesticis rebus sollicita; non suis tantùm agris & mœnibus hostem arcendum credens; jam ad oppida, ad arces & castella hostium oppugnanda, jam ad opem sociis infirmioribus ferendam summâ fortitudine ac constantiâ, vel *cives* suos, vel *militem*, ad loca etiam remotissima mittebat. Quo illa animo pericula & damna omnia contempsit? Quantâ fiduciâ adversâ vicit ac superavit? Quas copias eduxit? Quas naves armavit? Quoties cum hoste terrâ, fluminibus, mari etiam, conflixit? Quàm illustres palmas adepta? quas victorias, numero & viribus plerumq; multò inferior, reportavit? In *tributis* autem & *pecuniis*, qui rectè nervi audiunt rerum gerendarum, etiam ultra quàm fors exposceret, conferendis, jam non ætatum atq; ordinum, sed sexûs etiam contentio erat: cùm *Matronæ ac Virgines*, ne viris, satis jam sanguinis patriæ impendentibus, per omnia inferiores viderentur, non crines suos, ut *Carthaginensium* olim fœminæ

O R A T I O

in vincula tormentorum, sed ornamenta omnia, aurum atq; argentum (inufitato exemplo) certatim conferrent, nihil sibi, dum redimere libertatem patriæ posſent, relinquentes. Quâ tam memorabili Urbis noſtræ fide atq; induſtriâ præcipuè factum eſt, ut oppida & arces complures, quæ hoſtili milite tenebantur, inprimis *Mariaburgum*, ſuperbiſſima tyrannidis ſedes, & propugnaculum fortiſſimum, Cruciferis eriperentur, R E G E ipſo tantam Optimorum Civium virtutem, quos maſte hoc animo eſſe jubebat, etiam atq; etiam collaudante. Quid de *incendiariis* emisſis? Quid de *ſeditionibus* dicam, quibus pernicioſa ingenia civitatem ſubinde fatigabant? Quorum nefaria conſilia prudenti *Magiſtratûs* ſollicitudine ſic diſcuſſa ſunt, ut deprehenſis punitisq; barbarum autoribus, cæteri in officio & fide continerentur. Sed nihil periculoſius erat illis hoſtium artibus, cùm ſcriptis frequenter literis, nihil non, ſi reciperentur, polliciti, lenociniis hujusmodi velut arietibus expugnare animos conarentur. Quos cùm obfirmatos intelligerent, promptis omnibus, vel mortem oppetere pro fide, quâ Regi ſe addixiſſent: tandem Proceribus etiam Poloniæ, irritò

SECULARIS.

irrito conatu tentatis, REGEM ipsum ad prodendos Cives & Subditos impudentissimi mortalium sollicitare non erubuerunt. Sed frustra, quem armis terrere non poterant, talibus machinis adoriebantur. Inviictum erat pectus Regium, & adversus insultûs omnes constantiâ munitum.

Quamobrem cûm laquei omnes frustra necerentur; imparem se tantis belli tam diuturni, adversus gentem fortissimam generosissimamq; gerendi, oneribus cernens *Erlichbusius*, copiis Cruciferorum non uno prælio profligatis, extrema experiri minûs consultum existimans, mitiora tandem *Pacis* consilia cupidè amplexus est. A quibus Rex etiam adeò non erat alienus, ut paulò antè hosti, mox clienti, *partem Prusisæ ulteriorem* relinqueret, honore insuper addito, ut in *Senatoribus regni* numeraretur. O felicem hac tam insigni moderatione CASIMIRUM, qui cives fervare magis regium, magisq; Christianum arbitratus est, quàm fines imperii proferre! Qui cæde omni, nisi quam lex necessitatis inevitabilis imperaret, se abstinere, triumphis omnibus anteponendum duxit! Qui inimicum beneficio devincire, quàm armis vincere, gloriosius existimavit!

Y

Ita

ORATIO

Ita post procellas & fluctûs verè decumanos reddita Prusfiæ quies erat, jucunda, illa & diuturna; sed nondum perpetua. Namq; hanc gloriam SIGISMUNDO PRIMO, felicissimæ memoriæ Principi, fata decreverant: verùm ita ut tempestas eum priùs exerceret, beneficium hoc tantò illustrius redditura.

Ad supremum inter Cruciferos dignitatis fastigium evectus fuerat Albertus, Marchio Brandenburgensis, SIGISMUNDI ex Sorore Nepos. Qui præter spem omnium, nescio quibus usus consultoribus, frena mordere, Regi suo, eidemq; Avunculo bellum indicare, Prusiam omnem sibi vindicare. Cùm magnas secum ex Germaniâ Daniâq; copias trahens, venire nunciaretur, SIGISMUNDUS non segniter obviam illi eundum ratus, expeditionem publicam decrevit. Et ille seriò rem agens, *Dantisco* summis jam viribus imminebat, ductu *Comitis Eisenburgici*. Qui delicatas *Gedanensium* aures, *Mercurii* sui, non *Martis* studiis inutritorum, nec strepitum ferre posse tormenti bellici, apud vulgus militum insolenter jactans,
non

SE C U L A R I S.

non tam ad bellum, quàm ad epulas invitaverat suos: sed ex quibus non paucos, longè aliter quàm speraverant, exceptos, ferculorum loco Cruces ex panno albo, quas vestibus adsutas gerebant, devorare, haud illepida Convivatorum comitas adegit. Ita Urbe, difficile dictu, utrum audaciùs obsessâ, an turpiùs relictâ; *Elbingâ* item infelici strategemate tentatâ; tùm rebus alibi minùs prosperè gestis, inducias primùm pactus, his deinde præterlapsis pacem **Albertus** fecit, non jam violandam in posterum, sed æternam perennaturam, Conciliatoribus (neq; enim prætereundi sunt, quorum diligentia & prudentia tam insigne bonum Prussia nostra debet) **Georgio, Alberti Fratres**, &, qui Sororem ejus in matrimonio habebat, **Friderico II. Lignicensium in Silesia Duce, Principe Piaſteo**. Quorum operâ eò res tandem adducta est, ut in verba Regis jurans **Albertus**, Prussiae partem, quam Cruciferi hætenus retinuerant, hæreditario jure acciperet, *Positis Ordinis insignibus, habitu, nomine*, Prussis Polonisq; tam exoso, **Ducis** ei titulo

ORATIO

præfuturus, & magis etiam profuturus, inprimis constitutâ ibi pòst neq; ita multò illustri Musarum ad Pregelam sede.

Hac igitur ratione, id quod in mentem nemini venire potuisset, sopito tandem ferali bello, immortalis DEI Opt. Max. beneficio, æternâ pace recreata Prussia, sub alis *Albæ Aquilæ*, nemine jam turbante, jucundissimè requiescens, & velut reviviscens, consolari veteres suas calamitates cœpit.

Quòd si jam, quanta hæctenus ejus, protegentibus illam **S E R E N I S S I M I S A C P O T E N T I S S I M I S P O L O N I Æ R E G I B U S**, fuerit felicitas, distinctiùs iterum ostendendum esset, non quidem verendum arbitror, ne tædio, **A U D I T O R E S H O N O R A T I S S I M I**, esse tandem incipiam, homo parùm suavis, ac minimè disertus: cùm rerum, quæ valdè nobis gratæ atq; ex animi sententiâ accidunt, ipsa nobis jucundissima esse soleat recordatio: verùm illud tamen metuo, ne temeritatis me atq; imprudentiæ aliquis reum peragat, qui ea, quæ
pro

S E C U L A R I S.

pro eo ac par erat, extolli ne felicissimi quidem oratoris facundiâ possent, sermone tenui attaminare non erubescam: quæ sacro venerari silentio, procul dubio satius sit, quam vel pauca, vel non satis convenientia in medium afferre. Sed liceat, bonâ omnium pacē, delibare aliquid, & quasi cursim attingere, ne minùs æstimare comoda nostra videamur. Liceat ire per superiorum memoriam temporum, & *tristissimam Crucifera-*

rum dominationem cum legitima **AUGUSTISSI-**
MORUM POLONIÆ REGUM *imperio*
conferre: unde quantum inter impotentem tyrannum, ac justum Principem intersit, intelligamus.

— Illi verò **DEUM**, fas ac jurâ omnia contemptui ac ludibrio habere; Hi suam Majestatem Divinæ submittentes, legum se custodes semper ac vindices exhibere: illi Cives ac Subditos premere atq; affligere; Hi salutem illorum & opes tueri: illi tributis eos, dirissimisq; exactionibus exhaurire; Hi erigere benignitate suâ omnes ac recreare: illi bella impia concitantes, mucronibus ac sarissis hostium incolas innoxios objicere: Hi vel injuriam repellentes, vel barbarorum contundentes ferociam, pro securitate regni sui ac

Z

pro-

O R A T I O

provinciarum excubare: illi Præfectos immanissimos oppidis arcibusq; imponere, nihil non scelerum pro libidine suâ ausuros; Hi consiliis atq; operâ illustrium virorum usi, commodis prospicere publicis: illi avari, & harpyiis omnibus rapaciores, nec à bonis naufragorum fœdisimas manus cohibere; Hi tam impias sordes detestati, neq; quicquam Principi munificentia magis decorum existimantes, non eripere civibus res suas, sed servare. Illi crudeles, grasfari cædibus, suppliciisq; innocentium oculos pascere, egregium, immò regium putabant; Hi clementia & præmiis excitare animos non degeneres, quàm poënis terrere, humanius semper atq; utilius crediderunt. Deniq; illi in omnes velut in mancipia sævire; Hi liberis atq; ingenuis imperare: illi velut malæ bestiae metui ab omnibus, ac formidari; Hi benevolentia suorum, atq; amore stipati esse maluerunt. Illorum item scelera & furor labem Prusso nomini atq; ignominiam, ubicunq; Pelopidarum facinora audiebantur, adsperserant: Horum augustæ virtutes, & victoriæ innumeræ, participes nos gloriæ tantæ reddiderunt.

Namq;

SECULARIS.

Namq; ita se omnino res habet, **AVDITORES.** Sicut aureus ille Solis fulgor mundum exhilarat universum, eiq; suam impertit & communicat lucem; sic Regiarum Virtutum splendore imperium omne illustratur. Quare inficias illud ire nulla invidia poterit, *Prusiae* etiam nostræ laudi cedere atq; immortalī ornamēto, quicquid inclyti Principes piē, ac sapienter, fortiterq; gesserunt. Quorum quoties leguntur atq; audiuntur facta præclarissima: toties *Prusia*, imperii illorum pars non pœnitenda, isto quoq; nomine felix prædicatur.

Vestræ (ne cæterorum omnium, laudatissimorum Principum, semperq; laudandorum, omnia huc congeram elogia) Vestræ, inquam, **SIGISMUNDI**, Reges felicissimi, virtutes summæ atq; incomparabiles, non Vobis tantum, sed Sceptro etiam Vestro, adeoq; *Prusiae*, famam ubivis gentium prosperrimam, & gloriam nunquam intermorituram pepererunt. Quorum is, qui **PRIMUS** tam auspiciatum *Poloniæ* nomen intulit, tantæ Exteris etiam admirationi fuit, ut Duumviris illius ævi Heroum Optimis Maximis, qui, nisi eadem illos ætas tulisset, digni iudicabantur,

Z 2

ORATIO

bantur, qui singuli orbi imperarent universo, **Carolo Quinto Imperatori, & Francisco Primo Galliarum Regi, Tertius** accensetur. Alter, **AUGUSTUS**, eâ felicitate regno præfuit, ut armis ei vix opus fuerit, cum *prudentiâ* suâ, & venerabili, quâ pollebat, *authoritate*, vel prohiberet bella, vel faciliè componeret. **TERTIUS** autem, ut innumeris aliis virtutibus, Majestate & fastigio regio dignis, fulsit; sic animi moderatione tantâ fuit, ut *amorem ac delicias Orbis Sarmatici* suo eum jure appellemus.

Jam cum ad Illos, qui tanto nati *Parente*, non tam nascendi forte, quàm suis virtutibus, ut in augusto Regni liberrimi throno, suffragiis bonorum omnium collocarentur, adepti sunt, oculos convertimus: quis est, qui de tantis Principibus, Reipubl. satis gratulari possit? Quid enim *Tuâ, VLADISLAE*, memoriâ sanctius nobis esse potest? Qui antequam imperares, regni majestatem jam asseruisti: qui vix adolescens, *Moscorum* perfidiam generosè ultus; mox *Othomannicæ* etiam dominationis fastum, paternis auspiciis, sic contrudisti, ut tam illustribus argumentis, destinatum sibi divinitus Regem Polonia agnosceret, & *Pa-*
rens

SECULARIS.

rens Serenissimus tam felici Jagellonicæ fortitudinis hærede lætaretur. Et quasi parum esset ad gloriam, semel de barbaris triumphasse, *denuo* Virtutem Tuam irritare ausos, ita compe-
scuisti, ut non aliam ob causam arma cepisse vi-
derentur, nisi ut nova Tibi gloriæ materia nasce-
retur, & victoriarum. Quid de tempestate dicam,
quæ à *Septentrionibus* exorta, & Prussiæ nostræ in-
cumbens, subito quasi turbine non exiguam ejus
partem jam prostraverat? Quam Tu fortitudine
Tuâ sic avertisti, ut discussis nubibus mitior statim
aura, & serenitas exoptatissima reduceretur.

Tuos verò, REX SERENISSIME,
ATQVE INVICTISSIME, JO-
HANNES CASIMIRE,
cujus humeris cœlum nunc Polonicum universum
innitens requiescit, Tuos pro Republ. labores at-
que agones, Tuas vigilias & pericula, quo pacto
fatis venerabimur? Qui ad Aviti, Fraternalisq; solii
eminentiam vix evectus, in procellam protinus
Scythici ac Cosacici furoris incidisti, tantò periculo-
sorem, quantò tetrior solet esse servorum & re-
bellium rabies, quos conscientia sceleris sic agit
præcipites, ut pertinaciâ pro virtute armati, velut

O R A T I O

œstro perciti, in ferrum & aciem ruant. Quos
 Tu, non in finibus tantùm tumultuari, atq; (ut
 solet gens immanissima, fugâ potius, & dolis atq;
 insidiis, quàm aperto Marte & honestis belli ar-
 tibus certare) ferro agros ignique depopulantes,
 latrocinari, prædas agere, barbarumque in mo-
 dum sævire ausos; sed ipsa regni viscera, si furori
 perduellium id licuisset, correpturos, tantâ virtu-
 te repulisti: quorum è faucibus exercitum, à nu-
 merosissimo & callidissimo hoste circumventum,
 tam feliciter liberaisti: ut perculsi re tam inexpectatâ
 rebelles agnoscere errorem, fateri culpam,
 deprecari scelus, redire ad obsequia cogerentur.
 Atq; hæc quoties cum animo nostro cogitamus,
 fateri nos oportet, illud sæpissimè nos tenere an-
 cipites, utrum *fortitudinem* Tuam, quâ furiosos re-
 frænas ac compescis, an *clementiam*, quâ lubrico
 hosti, toties ad vomitum redeunti, ignoscis toties
 ac parcis, magis admirari debeamus. Illud sanè
 intelliget terrarum Orbis, quo esse animo in Cives
 & Subditos velis, Majestatem Tuam obsequio,
 quo par est, demississimè subjectissimèque vene-
 rantes, qui in hostes, in rebelles, toties refracta-
 rios, toties contumaciâ suâ bonitatem Tuam pro-
 vocan-

SE C U L A R I S.

vocantes, tantâ mansuetudine, tam incredibili patientiâ & benignitate uti soles. Facis, REX SERENISSIME, PATER OPTIME, facis, quod HEROIBUS JAGELLONIIS, quorum progenies & sanguis es, quorum augustum solium tenes, solenne semper & proprium fuit.

Parcere subiectis, & debellare superbos,

quod tam magnificè de *Romanis* suis jactat Poeta, semper Illi consueverunt. At verò ita superbos ac calcitrantes debellarunt, ut resipiscentibus spem veniæ nunquam abrumperent: ita pepercerunt subiectis, ut beneficiis etiam innumeris maximisq; augerent. O imperium, quod patrocinium veriùs, quàm imperium nominari potest! quò concurritur undique, velut ad refugium & portum.

Tàm augusti *Imperii* splendorem, tàm fortium ac piorum REGUM gloriam, quis ad *Prusiam* etiam hanc nostram pertinere inficietur? Tali patrocinio, tali refugio ac portu, quis felices ac beatos nos neget? Huic imperio, immò patrocini-

ORATIO

nio; his Regibus, immò Patribus, qui Prusiam dedit, & sanctissimo Polonici Regni Corpori agglutinavit, *diem, diem*, inquam, tot bonorum tantæq; felicitatis auspicem, quis non gemmâ, aut si quid gemmâ nobis est pretiosius, signandum; quis non publicâ lætitiæ testificatione celebrandum censeat?

Neque hîc repetam curiosiùs, AUDITORES COLENDI, quæ singulatim beneficia à SERENISSIMIS POLONIÆ REGIBUS in nos profecta sint hætenus: quibus commodis, quibus emolumentis atq; ornamentis aucti simus. Proposui paulò antè brevem felicitatis nostræ tabulam: quamvis non sim nescius, multò plura, multoque etiam majora dici vel debuisse, vel potuisse. Sed quis hoc aut desideret, aut expectet à *Scholastico Oratore*, cui arculas Historiarum gentis, & rerum, quæ ad Civilem statum pertinent, omnium, excutere, minùs interdum vacat; ad intimiora autem illa & penitiora curiosos emittere oculos, minimè licet. Relinquimus ista Proceribus & Viris summis, quos ad

Rem-

SECULARIS.

Rempubl. gubernandam atque administrandam
sua vocat prudentia, animis & cogitatione per-
currenda, sapientiꝫ silentio æstimanda.

Nos hic illud nunc saltem, quod citra impie-
tatem præteriri à nobis non potest, gratâ mentē
& linguâ commemorabimus; AUGUSTISSI-
MORUM POLONIÆ REGUM benefi-
cio non *Jura* tantum nostra, & *Privilegia* omnia
salva atq; integra, immò aucta etiam & locuple-
tata esse: fed animorum etiam, in Religione, &
cultu divino obeundo, eam semper indultam es-
se clementissimè, hodieq; indulgeri libertatem,
ut *Conscientiæ* nostræ laqueos neçtere, sacra turba-
re, quietis negotium facescere, quæ ultronea esse
DEUS ipse voluit, extorquere, nemo audeat.
Quod beneficium cæteris omnibꝰ, quantumvis ma-
ximis, infinitis modis anteferendum intelligimus.

Utinam, utinam, qui eandem nobiscum pieta-
tem profitentur, ubiq; gentium omnes tam inæ-
stimabili solatio gauderent! Verum hanc quoq;
gloriam, encomiis omnibus excellentiorem,
inclyti Poloniæ Reges propriam sibi fecerunt.
Quorum ex ore manavit illa plenissima pietatis
vox, Principum omnium palatiis atq; animis in-

O R A T I O

scribenda: DEUM SIBI TRIA RESER-
VASSE, EX NIHILO ALIQUID FA-
CERE, SCIRE FUTURA, ET DO-
MINARI VELLE CONSCIENTIIS.

Non hîc repetam pluribus summam VLA-
DISLAI, Regis laudatissimi, quæ excidere
animis nondum potuit, neq; poterit unquam,
mansuetudinem ac pietatem. Qui cûm devictis
incomparabili felicitate tot hostibus, neq; *Uno*
Maxentio domito, Pace imperio suo undiquever-
sum partâ, ut rediturum tranquilla venerari Con-
stantinum posset *Polonia*, de gravissimis, tri-
stissimisq; in arduo *Religionis* negotio disfidis ac
concertationibus componendis, sanctas, suâq;
Majestate dignas sibi suscipiendas esse cogitatio-
nes arbitraretur: re tanti momenti diligentissimè
prudentissimèq; consideratâ, illam unam ante
annos non ita multos probavit viam, ut indicto
Thorunii COLLOQVIO, quod AMICUM
ET FRATERNUM esse Optimus
Princeps, & mitissimus Populorum
suorum Pater volebat, de Fide ortho-
doxâ, de Religione verè Christianâ & Catholi-
câ, mo-

SE C U L A R I S.

câ, modeste ac placide differere *Disfidentes*, sententiisq; liberrimis de veritate Dogmatum, vel erroribus piè statuere juberet. Hauferat illud Rex sapientissimus ex illustribus cum primis Serenissimorum Majorum exemplis, qui dura illa & inhumana Religionis alterius eradicandæ, alterius stabiliendæ ac propagandæ consilia semper averfati, *non cruentis edictis*, non ferro, non flammâ; sed *rationibus decernendum*, & in re, quam DEUS ipse tam spontaneam esse voluit, ut nisi talis sit, nulla sit, suam concedendam CONSCIENTIIS LIBERTATEM crediderunt. Quis non totâ animi sententiâ consciscat atq; optet, ut imperium Orbis universi obtingat illis, qui imperium in *Conscientias*, uni DEO debitum, ei relinquunt, cujus unius imperio purpuram suam & diademata piè submittunt?

Atq; hæc modestia, hæc æquitas Principes Optimos ac sapientissimos movit, ut non *Poloniæ* tantum universæ, annexisq; *Poloniæ Provinciis* omnibus, adeoq; *Prusici*, hanc in sacris ritibus *Religionisq;* exercitio concederent libertatem: sed seorsum nostræ etiam huic *Urbi Gedanensi* de publicâ, neq; à quoquam unquam turbandâ vel

ORATIO

impediendâ, illius *Symboli*, cujus Capita, ex divino sacrarum Literarum petita Codice, Doctrinam Ecclesiarum nostrarum, paucis brevissimè comprehensam versibus, complectentia, CAROLO V. Imperatori Augusto, *Augustæ Vindellicorum* abhinc annos centum viginti quatuor exhibita sunt, professione, luculentissimis Privilegiis prospicerent.

Quâ benignitate, quâ gratiâ, & moderatione, dum Regno, dum Provinciis, dum Civitati nostræ consuluerunt, tantum abest, ut sceptro suo quicquam crearint periculi, ut ad Salutem Illorum atq; incolumitatem tuendam tantò ferventioribus studiis incumbamus, quantò diviniore beneficio frui nos Illorum clementiâ sentimus. Dissidemus in religione: at non in asserendâ atq; observandâ Regum Majestate. Diversi sunt sacrorum ritûs: at eadem in Regem pietas. De fide in DEUM non idem sentimus omnes: at fidem Regi eandem probare connitimur universi. Vota DEO offerimus, & preces pro Principis salute: pro quâ corpora etiam nostra telis hostium obijcere, & sanguinem, si opus sit, effundere, parati sumus.

Non

SECU L A R I S.

Non est nostrum, mèrita nostra commemorare: cùm fateamur ultrò, quicquid à nobis factum est, citra officium substituisse debitæ pietatis. Sed vel superiora tempora (ne abeamus longiùs) cùm repentino armorù Borealium impetu Prussia concuteretur, non dubium, spero, fidei, quam Polono Nomini debemus, ostenderunt exemplum. Celebre erit ad omnem posteritatis memoriam *Constantiæ* specimen, quod *Thorunienses* ediderunt. Nulla invidia, nulla temporum injuria, *Gedanensium* obliterabit *virtutem*, quos nec minis atq; armis terrere, nec blanditiis suis ac promissis impellere hostis potuit: quamvis ille, ut voti hujus particeps evaderet, omnia experiri statuisset. Hoc animo, hac virtute & constantiâ, exemplo inde à Majoribus nobis tradito, semper fuimus, semper erimus, omnia priùs, & vitam adeò ipsam, eripi nobis passuri, quàm in REGES Serenissimos fidem, cultum, obsequia, amorem.

Dixi, PATRONI MAGNI, FAUTORES COLENDI, quæ mea mihi tenuitas in argumento tam difficili concessit. Quæ si votis Vestris atq; exspectationi minùs responderunt, si tam illustri loco, tam erudito ac frequenti Auditorio,

O R A T I O

tam solenni deniq; tam augusti temporis festi-
tati non satis convenire visa sunt: ignoscite, ite-
rum demisse Vos oro quæsoq; & veniam date
benignissimam: nec quoties ingenium me & vi-
res defecerint; sed quo affectu dixerim, quàmq;
cupide, id quod mearum esse partium videbatur,
exequi voluerim, pro humanitate Vestrà lauda-
tissimâ expendite. Quod superest, ne, si, velut
in novam dicendi arenam descendens, repetito
sermone detinere Vos perrexero, aurium Vestra-
rum indulgentiâ, ultra quàm fas est, abuti videar:
unum illud, ut felicitatem, quæ **Prusiam** no-
stram ducentis his annis, ex quo mitissimis **A-**
quilæ Polonæ Alis defensa est, recreavit,
perpetuam esse jubeat, propitium **NUMEN**
precandum erit. *Xerxem* quidem, Persarum Re-
gem, illum, qui in Græciam movens, tam immen-
sam vim hominum eduxit, ut ab exercitu ejus flu-
mina siccata esse proditum sit, cùm collectam
ex omni Asiâ juventutem oculis subjecisset, illa-
crymasse perhibent, conditionem humanæ for-
tis, & quod *intra centum annos*, Omnibus istis, O-
mnibus, moriendum foret, animo reputantem.

Nos

SE C U L A R I S.

Nos, AUDITORES HONORATISSIMI, ejusmodi lacrymis lætitiā nostrā Secularem non polluemus: cū nefas etiam sit, Naturam, quæ immortales nos nasci noluerit, invidiæ atq; injuriæ subincusare. Illud igitur agemus, ut vota nostra & desideria intra gyrum coerceamus modestiæ, & Christianæ pietatis. Faxit **DEUS** ille, cujus immortalī beneficio (id quod gratisimis semper animis & linguis deprædicabimus) Serenissimo Potentissimoq; Rege **JOHANNE CASIMIRO** Sceptrum augustissimum gloriosissime asferente; Senatoribus ac Proceribus illustrissimis atq; inclytis Majestatem Regis, Regniq; dignitatem fortissime vindicantibus **Republica, Provinciisq; omnibus**, furore rebellium ac barbarorum, fortitudine, prudentiâ & moderatione Regiâ felicissime nuper coërcito, florentibus jam, & pace ac tranquillitate suâ gaudentibus, **SECULUM** hodiè **PRUSSIA** nostra libertatis atq; incolumitatis recuperatæ, & ducentis jam annis conservatæ, **TERTIUM** gaudens ac plaudens orditur (quo nomine Civitas

ORATIO SECULARIS.

hæc nostra Gedanensis, ocellus Prussiæ,
& huic universæ, & sibi, voce nunc & festivitate
SECULARI publicâ gratulatur) **DEUS**
ille faxit clementissimè, ut **SECULUM**, cujus
auspicalem Diem nobis illuxisse lætamur hodiè
ac triumphamus, **POSTERITAS** olim no-
stra (si qua futura est) **Sceptri Polonici**
majestate inconcussâ, **Reipublicae** dignita-
te, imperii finibus, viribus, opibus, integris atq;
etiam amplificatis, **Provinciarum** omni-
um, atq; inter illas **Prussiæ** nostræ, in istâ
laudatissimæ hujus **Urbis** Libertate illibatâ
atq; incontaminatâ, Juribus omnibus Privilegiisq;
salvis, Religione orthodoxâ pollente ac vigen-
te, Magistratum autoritate, Civium incolumita-
te, fartâ tectâ, Studiis etiam honestis, & Artibus
liberalibus, illarumq; Seminariis, Scientiæ, Pru-
dentiæ, Sapientiæ Officinis, adeóq; Athenæi
etiam hujus nostri Viridariis, pulcherrimè lætis-
simèq; florentibus, feliciter elapsum gaudeat,
eandemq; suis etiam **NEPOTIBUS** felicita-
tem comprecetur.

ΤΩ. ΘΕΩ. ΔΟΞΑ.

CARMINA
SECVLARIA,
quæ in
PANEGYRI
DANTISCANA

inter Tympanorum, Tubarum,
aliorumq; Instrumentorum Musicorum
certamina & harmonias

canebantur.

Autore

Joh. Petr. Titio.

Ante habitam

ORATIONEM.

PRUSSIA, junge manûs & pectora: pelle TY-
RANNOS:

Affere Te, dulcis Patria: pelle CRUCES.

Infandis afflicta modis, quam destinat aræ

ORDO, tuo gaudens sanguine: pelle CRUCES.

Torta diu, calcata diu, sat dira tulisti.

Junge manûs tandem, PRUSSIA: pelle CRUCES.

Destrue, queis *Hostis* confidit perfidus, *Arces*:

Excute triste jugum, PRUSSIA: pelle CRUCES.

Arma cape: *arma, arma, arma* manu cape: nescit, & arma,

Et causam talem deseruisse DEUS.

Nec CASIMIRUS opem pressis adferre ne-
gabit

Civibus: hoc tanto Vindice, pelle CRUCES.

Sic JAGELLONIÛS requiesces tuta sub
Alis,

Seraq; Posteritas SECULA fausta canet.

Post

ORATIONEM.

Edles Preussen / freue dich:
Laß nun Spiel und Seiten hören:
Hand und Othem rühre sich:
Alles rühme: GOTT zu Ehren /
Der uns dieses grosse Fest
Diesen Tag begehen leßt.

Zweymal Hundert Jahre Zeit
Ist nunmehr vorbeygegangen/
Seit daß freye Sicherheit
Ihren Grund hier angefangen:
Seit der Grosse KAESER
Preussen halff zu seiner Zier.


Nach der langen Unglücks-Nacht
Ist die güldne Sonne kommen/
Hat den Tag dir wiederbracht/
Alles Schrecken weggenommen:
Auf das Leid / so dich gedrückt/
Bistu reichlich gnug erquickt.


Friede / Heil / gewünschter Stand /
Ueberfluß und milder Segen /
Hat bißher / O Preussen-Land /
Dich gekrönet allerwegen /
Seit des Weissen Adlers Krafft
Schutz und Freyheit dir geschafft.


Drumb / O Preussen / freue dich :
Laß dein Seiten-Spiel erklingen :
Hertz und Mund erhebe sich :
Wünsche nun vor allen Dingen /
Daß JOHANNES KASIMIR
Hersch' und siege für und für.

Du auch / Dantzig / werthe Stadt /
Wünsche / daß DER KONIG LEBE :
Und dabey / daß Deinen Rath
Glück und Volsart stets umgebe :
Daß auch Du in Einigkeit
Blühen mögest allezeit.









Biblioteka Jagiellońska



stdr0010464

